

摘藻堂四庫全書薈要

集部

欽定四庫全書薈要

集部
御選唐詩卷十三

詳校官原任主事

臣
李斯咏

欽定四庫全書薈要卷一萬九千二百四十四

集部

御選唐詩卷十三

五言律

杜甫

鄭氏東亭

全唐詩鄭氏上有重題二字甫自注在新安界唐書地理志河南府縣新

安

華亭入翠微

洛陽名園記環溪王開府宅園甚潔華亭者南臨池池左右翼而北過涼榭復匯為

大池周圍如環故云然也爾雅山脊岡未及上翠微左思蜀都賦鬱蒼蒼以翠微崛巍巍以峩峩注翠微山氣



之輕縹也沈約樂府鶴樓峻秋日亂清暉詩秋日萋萋連翠微庾信詩金鞍上翠微

懸清光傳休奕樂府素日馳崩石歌山樹江淹學梁王兔園賦崩石

清暉謝靈運詩山水含清暉梧桐岸削方藏陰庾信詩歌松橫礙馬曹植詩大

谷何寥廓山樹鬱蒼蒼蕭瑟詩山樹動秋聲水衣詩河水清且漣漪謝靈運詩汎舟詩風遼冷兮紫

鱗衝岸躍左思蜀都賦觴以清醪鮮以紫鱗張說謝上表窮鱗更躍汝南先賢傳葛玄見遺大魚者

玄謂暫煩此魚到河伯處以丹書紙納魚口中擲水有頃魚還躍上岬吐墨書青黑色如木葉而飛張騫躍魚

應詔詩何用游溟海且躍天淵池蒼隼護巢歸詩駉彼摯虞觀魚賦攢聚輻盛或躍或沉

文隼鷺鳥傳休奕詩蒼隼時鷹揚向晚尋征路陰鏗雪左思蜀都賦巢居棲翔聿無鄧林裏梅花

詩今來漸異昨向晚判勝朝張九齡晚霽登王六東閣
詩向晚白雲生鮑照詩雞鳴戒征路陳子昂詩離亭暗
風雨征路殘雲傍馬飛隋煬帝詩斷霧時通日殘雲尚
入雲烟
雲飛揚吳均詩簷上素雲
飛庾信詩輕雲飄馬足

李白

宴陶家亭子

白自注
潯陽作

曲巷幽人宅

說文巷邑中道也直曰街曲曰巷梁昭明
太子詩京華有曲巷易履道坦坦幽人貞

古詩此維與宅說文

高門大士家

漢書于定國傳定國
父子公其閭門壞父

宅託也人所投託也

老方共治之于公謂曰少高大閭門令容駟馬高蓋車
我治獄多陰德子孫必有興者左傳衛侯與元咺訟士

榮為大士注大士治獄官也

池開照膽鏡

詩說池北流廣韻池治也

西京雜記高祖初入咸陽宮有方鏡廣四尺高五尺九寸表裏洞明人直來照之影則倒見以手映心則見腸

胃五臟歷然無礙庾肩吾咏美人看畫詩相看如照鏡薛道衡豫章行見膽明鏡自生塵林吐破顏

花說文平土有叢木曰林盧照鄰詩梅花扶院吐博物志合歡蠲忿萱草忘憂李百藥賦花飄香兮動笑

綠水藏春日

張華詩仰映高林茂俯臨綠水流南史庾杲之傳杲之字景行王儉用為衛將軍長

史蕭緬與儉書曰庾景行汎綠水依芙蓉何其麗也又循吏傳序都邑之盛士女昌逸歌聲舞節炫服華粧桃

花綠水之間秋月春風之下無往非適詩青軒秘晚霞春日遲遲晉書樂志仁配春日威踰秋霜

鮑令暉詩灼灼青軒女冷冷高堂中虞炎咏簾詩青軒明月時紫殿秋風日盧思道詩晚霞浮極浦盧照鄰詩

龍啣寶蓋承朝日

龍吐流蘊帶晚霞
若聞絃管妙

漢書張禹傳後堂理絲竹管絃郭璞燕贊商人

龍啣寶蓋承朝日
鳳吐流蕪帶晚霞
若聞絃管妙
是頌咏之絃管
嵇康聲無哀樂論
此必為至樂不可托
之於瞽史
必須聖人理其絃管
爾乃雅音得全也
許敬
宗奉和三臺詩
妙管
金谷不能誇
石崇金谷詩序
子有
含秦鳳仙姿
麗斗牛
金谷不能誇
別盧在河南縣界
金
谷澗
晉書石崇傳
崇有別館在河陽之金谷
一名梓澤
財產豐積
室宇弘麗
絲竹盡當時之選
庖膳窮水陸之
珍
水經注
金谷水在河南太
白原東南
流經石崇故居

王維

終南山

一統志終南山在陝西西安府城南五十里一名南山東西連亘藍田咸寧長

安盤屋四縣之境郡縣志終南山在京兆府
萬年縣南五十里五經要義終南山長安南

山也一名太乙潘岳關中記其山一名中南言在天之中居都之南故曰中南書終南博物志于鳥鼠詩終南何有有條有梅又節彼南山維石巖巖左傳荆山終南九州之險也

太乙近天都

漢書太乙山又為終南山地理志武功縣有太一山古文以為終南山亦曰太白山在

武功縣南去長安二百里俗云武功太白去天三百地理通釋終南山之總名太乙一山之別號一統志太乙山在終南山南二十里連亘秀特上挿雲霄名勝志終南山道書謂之太乙山關中三山記太白武功二山在郡縣蓋舊武功縣地也今武功縣無此山按何景明曰太華終南太乙實一山延亘不絕太華在華陰終南在長安太白在郡各望其地異號命耳舊注終南在天之中居都之南故云近天都也晉書天文志天都星主衣裳連山到海隅

福地記終南山東接驪山太華西連太白至于隴山北去長安城八十里

南入楚塞連屬東西諸山周迴數百里謝朓詩未辨連
山極沈約詩連山無斷絕書帝光天之下至于海隅注
隅角也舊注按終南去海極遙到海隅者形容之辭耳
蔣注謂東方為海隅豈齊魯之間亦皆終南耶蔣又謂
中岑之北為雍為井鬼中岑之南為白雲迴望合穆天

梁為翼軫恐一山未必如此分屬

白雲迴望合

穆天子傳

白雲在天莊子華封人曰乘彼白雲至于帝鄉謝靈運
詩巖高白雲屯謝朓詩望山白雲裏何遜詩試望白雲

中江總詩曰

青靄入看無

鮑照登大雷岸與妹書左右

暮碧雲合

青靄表裏紫霄王筠詩日坂

散朱雰天隅歛青靄江海詩

分野中岑變

天文志天有

虛堂起青靄崦嵫生暮霞

十二辰保章氏以星土辨九州故謂分野庾信終南山
詩鵲蓋上中岑王褒詩中岑雲已合絕頂日猶晴舊注
言山形既廣非一星之分野所能該今指陰晴眾壑殊
中岑為限而各屬一星則變其分野矣

陰晴眾壑殊

盧照鄰樂府序紫樓金闕雕石壁而鏤羣芳碧甃銅池
俯銀津而橫衆壑舊注不惟星文有別即壑澗之陰晴
亦自欲投人處宿漢武故事上嘗至栢谷夜投亭長亭
有殊長不納乃宿于逆旅漢書時上微行
宣曲以南十二所休更衣投宿盧思道詩
復聞隔湘
諸宮劉向九嘆夕投宿于石城隔水問樵夫
水揚雄長楊賦士有不談王道者則樵夫笑之唐詩紀
事或說維此詩譏時也太乙近天都連山接海隅言勢
焰盤據朝野也白雲迴望合青靄入看無言徒有其表
也分野中峯變陰晴萬壑殊言恩澤偏也欲投人處宿
隔水問樵夫
畏禍深也

漢江書嶠冢導漾東流為漢又東為滄浪之水
過三澁至于大別南入于江山海經注漢

沮縣始為漢水一統志漢江源出隴西嶠冢

山至襄陽府東南
大別山入于江

楚塞三湘接

盛弘之荊州記荊門虎牙楚之西塞江淹詩奉義至江漢始知楚塞長寰宇記湘潭

湘鄉湘源謂之荊門九派通

後漢書光武紀公孫述遣將田戎任滿據荊州注荊

門在峽州夷陵縣東南唐書地理志江陵府有荊門縣一統志荊門州在湖廣荊州府北一百八十里書荊州

禹鑿江通於九派郭璞江賦流九派乎潯陽李善注水

別流江流天地外楚辭令沅湘兮無波使江水兮安流

表格于上下傳其名聞充溢四外至于天地宋玉大言賦長劍耿耿倚天外仲長統樂志論逍遙一世之上睥

睨天地之間可以凌霄漢出宇宙之外矣阮籍大山色

有無中

江淹詩山色與雲平列子蕩蕩然不覺天地之有無孫綽遊天台山賦忽出有而入無慧遠詩

起滅有無際

郡邑浮前浦

袁孝詩意氣深自負肯事郡邑權王弘表伏聞廣陵前浦榛蕪歷久

近復開除清源虛邃梁元帝詩初言前浦合

波瀾動遠空

謝靈運詩傾耳聆波瀾釋名風吹水

成紋曰瀾瀾連也波體泛流相及連也庾信詩可憐數行雁默默遠空排

襄陽好風日

漢書地理

志南郡縣襄陽應劭注城在襄水之陽故曰襄陽晉書宣帝紀襄陽水陸之衝襄陽樂古辭朝發襄陽城庾信

詩今朝好風日

留醉與山翁

晉書山簡鎮襄陽唯酒是耽諸習氏荆土豪族有佳園池簡每

出嬉遊多之池上置酒輒醉名之曰高陽池

孟浩然

武陵泛舟

唐書地理志朗州武陵郡屬山南道一統志常德府戰國時屬楚秦置黔

中郡漢初改武陵郡武陵溪在府城西三十里源出武山入沅江

武陵川路狹

魏收擢歌桃發武陵岸柳拂武昌樓謝惠連詩鼓柁川路始月賦川路長兮不可越

陰鏗詩川路恨成遙古詩相逢狹路間劉遵詩路狹憶難回

前棹入花林

梁簡文帝詩悠悠歸

棹入渺渺去帆驚梁武帝詩朝日照花林庾信詩徙倚就花林

莫測幽源裏仙家信幾

深晉書宣帝紀情深阻而莫測宋之問詩未窺仙源極獨進野人船十洲記玄洲有五芝玄澗澗水甘如蜜

飲之長生與天地相畢上多仙家王勃詩鶴岑有奇徑麟洲富仙家

水迴青嶂合

沈約詩峻嶒起

青嶂沈佺期詩青嶂妓樓懸

雲度綠溪陰

庾信讚石門雲度銅梁雨來又詩雲度絃歌響唐太

宗白日半山詩
谿陰處處生

坐聽清猿嘯

南史張裕傳裕子鏡與客談顏延之從籬邊取胡床

坐聽辭義清玄延之曰彼有人焉荊州記峽長七百里兩岸連山略無斷處常有高猿長嘯屬引清遠任昉文

清猿與壺人爭旦庾信詩猿嘯風還急

彌清塵外心

莊子聖人遊乎塵垢之外晉書謝安傳論

文靖始居塵外高謝人間殷仲文詩哲匠感蕭晨肅此塵外軫

杜甫

長江

書岷山導江東別為沱又東至于澧過九江至于東陵東迤北會為滙東為中江入

于海魏志文帝南征臨江見波濤洶湧歎曰長江天塹天之所以限南北也陸機論長江

制其區宇又漢高帝功臣頌高步長江

浩浩終不息

書浩浩滔天宋之問高山引攀龍窈窕兮上躋懸峯長路浩浩兮此去何從易冥升

利於不息之貞禮記天高地下萬物散殊而禮制行矣流而不息合同而化而樂興焉

乃知東極

臨

史記秦始皇紀登茲泰山周覽東極淮南子禹使大章步自東極至于西極二億三萬三千五百里使監

亥步自北極至于南極二億三萬三千五百里七千五步左思吳都賦出乎大荒之中行乎東極之外

眾

流歸海意

水經注連水經連道縣控引眾流合成一溪謝靈運山居賦眾流所湊萬泉所回汎濫異

態首悲終肥史記司馬相如傳夏后氏堙鴻水決江疏河灑沈澹災東歸之於海而天下永寧左思吳都賦百

川派別歸海而會

萬國奉君心

易首出庶物萬國咸寧左傳禹會諸侯于塗山執玉帛者萬國

張正見詩軌文通萬國旌節靖三邊京房易傳坤純陰用事象配地屬土柔道光也陰凝盛與乾相納臣奉君

也色借瀟湘濶

趙子櫟注瀟湘在潭州三峽之水入洞庭與瀟湘相遠故云色借也山海經

洞庭之山帝之二女居之是常遊於江淵澧沅之間交瀟湘之淵出入必以飄風暴雨曹植詩朝遊江北岸夕

宿瀟湘沅謝朓詩洞庭聲驅灩澦深

寰宇記夔州灩澦堆在州之西蜀江

中心瞿唐峽口冬水淺出二十餘丈夏水漲半浸王洙注世說灩澦如象瞿唐莫上灩澦如馬瞿唐莫下言其

險絕舟人常以此候之

未辭添霧雨

漢書鄒陽傳浮雲出遊霧雨咸集

接上遇衣

襟

按遇王洙注本作過公羊傳沾袍注袍衣前襟也爾雅佩襟謂之褱方言袒飾謂之直衿杜詩博議江流

之大不辭霧雨雨接江流而上過人衣襟之間所謂波浪兼天者如此

楊炯

華陰人幼聰敏博學善屬文年十一舉神童授校書郎為崇文館學士遷詹事司直左轉

梓州司法叅軍秩滿遷婺州盈川令贈著作郎
炯聞時人以四傑稱乃自言曰愧在盧前耻居

王後有盈川
集三十卷

梅花落

樂錄漢橫吹曲有梅
花落本笛中曲也

窓外一株梅

庾肩吾詩窓梅朝始發徐
陵梅花落對戶一株梅

寒花五出開

張正

見詩霜雁排空動寒花映日鮮何遜早梅詩映雪擬寒
開蘇子卿梅花落中庭一樹梅寒多葉未開祇言花是
雪不悟有香來韓詩外傳凡草木花多五出雪花獨六
出宋書五行志壽陽公主卧含章殿簷下梅花落公主
額上成五出影隨朝日遠香逐便風來

曹植詩容華曜
朝日鮑泉詠梅

詩可憐堦下梅飄蕩逐風迴鮑照梅花落搖蕩春風媚
春日又念爾零落逐風颭陳後主梅花落映日花光動

迎風香氣來陰鏗詠雪梅詩

泣對銅鈎障

漢宮舊事碧障漆竿銅鈎

廣韻障界也隔也又步障也梁簡文帝詩

攀鈎落綺障鮑泉梅花詩度簾拂羅幌愁看玉鏡臺

世說溫嶠姑有女托嶠覓婿嶠報云覓得佳婿因自下玉鏡臺一枚江總梅花落梅花芳菲臨玉臺朝攀晚折

還復開徐陵梅花落風吹上鏡臺

行人斷消息

梁簡文帝詩落花依度幘垂柳拂行人梁元帝

詩欲覓行人寄消息薛道衡詩一去無消息那能惜馬蹄

春恨幾徘徊

王僧孺詩旅心已多恨春

至尚離群徐陵咏梅詩倡家怨思妾樓上獨徘徊陳後主梅花落佳人早揮髻試立且徘徊

岑參

終南東溪中作

書終南惇物至于鳥鼠雍錄終南山橫亘關中南面西起秦隴

東徹藍田凡雍岐郿鄠長安萬年相去亘八
百里而連綿峙據其南者皆此一山也一統
志終南山在西安府城南五十里
一名南山禹貢所稱終南即此

溪水碧於草

房篆詩前溪流碧水梁簡文帝採蓮曲桂
檝蘭橈浮碧水江淹詩幽冀生碧草又別

賦春草碧色
春水綠波

潺潺花底流

魏文帝丹霞蔽日行谷水潺
潺沈約詩願以潺湲水霑君

纓上塵魏收詩雪溜添春浦花水足新流張正見賦得
岸花臨水發詩影間蓮花石光涵濯錦流盧照鄰詩花

飛清渭流沙平堪濯足

范雲詩寒沙四面平何遜慈姥磯詩
遠岸平沙合庾信詩平沙臨浦口陸

機詩濯足暘谷波陶潛詩山澗清且淺可以濯吾
足劉孝勝武溪深行羞學滄浪水濯足復濯纓

石淺

不勝舟

謝靈運詩石淺水潺湲鮑至山池詩石淺好縈
苔梁簡文帝吳郡石像碑試就提捧豁爾勝舟

李百藥詩橫

洗藥朝與暮

宋之問詩今日遊何處春泉

舟石岸前

洗藥歸一統志洗藥池在興

國縣葛洪過境見山靈水秀遂結菴築壇鑿池洗藥管子日有朝暮夜有晨昏薛道衡酬楊僕射山亭記朝朝

散霞彩暮釣魚春復秋後漢書高鳳傳以農畝為業隱身漁釣馮衍賦夫莊周之釣魚

兮辭卿相之高位文子釣魚不可以無餌白帖興來從釣魚不得由守坻不堅陶潛詩春秋多佳日

所適

晉書王徽之傳居山陰夜雪初霽忽憶戴逵乘船詣之造門不前而返人問其故曰本乘興而來興

盡而返何必見安道耶又庾亮傳在武昌諸佐吏乘秋夜登南樓亮至諸人將起避之亮曰諸君少住老子於

此處興復不淺南史循吏傳序桃花還欲向滄洲南史

傳負才尚氣愛好虛遠嘗作五言詩言訪跡雖中宇循聲乃滄洲蓋其志也謝朓詩既歡懷祿情復協滄洲趣

與鮮于庶子泛漢江

舊唐書李叔明傳叔明字晉卿閬州新政人本姓鮮

于氏兄仲通並涉學輕財好施為京兆少尹以疾辭除右庶子出為邛州刺史尋拜東川

節度唐六典太子左春坊左庶子二人正四品上書嵒豕導漾東流為漢山海經嵒豕之

山漢水出焉東南流注於江左傳楚國方城以為城漢水以為池一統志漢陽府前枕蜀

江北帶漢水

急管更須吹

鮑照白紵歌古稱淥水今白紵催絃急管為君舞吳均與柳惲詩聞君吹急管相思

雜採蓮庾信詩然香 杯行莫遣遲

王粲詩合坐同所樂但慙杯行遲

酒

光紅琥珀

鄒陽酒賦流光醅醅甘滋泥泥博物志松脂入地千年化為茯苓化為琥珀袁山松

酒賦泛芳樽以琥珀馨桂發而蘭興

江色碧琉璃

何遜詩露清曉風冷天曙江光爽十洲記方丈

在東海中央東西南北岸相去正等方面各五千里上專是羣龍所聚有金玉琉璃之宮晉書王濟傳帝嘗幸

其宅供饌甚豐悉貯琉璃器中梁簡文帝詩雲開瑪瑙葉水淨琉璃波

日影浮歸棹

周禮大司

徒以土圭之灋測土深正日景以求地中班固東都賦上反宇以蓋戴激日景而納光王勃詩去騖嘶別路歸

棹隱寒洲徐彥伯採蓮曲春歌美明月歸棹落花前

蘆花罨釣絲

江總詩蘆花露外白楓葉水前

丹韻會罨綰也郭璞海賦或挂罨於岑藪之畔鮑照詩絲罨千里心詩其釣維何維絲伊緡列子詹何以獨繭

絲為綸芒針為鉤引盈車之魚於百仞之川

山公醉不醉

晉書山簡傳簡字季倫性溫雅永嘉

三年出為征南將軍都督荆襄交廣四州諸軍事優遊卒歲惟酒是耽詩既醉以酒又不醉無歸

問取

葛彊知

山簡傳簡鎮襄陽習氏有佳園池簡每出多至池上置酒輒醉童兒歌曰山公出何許往至高

陽池日夕倒載歸酩酊無所知時時能騎馬倒著白接
離舉鞭問葛彊何如并州兒彊家在并州簡愛將也

晦日陪侍御泛北池

六典周官宗伯屬官御史掌邦國都鄙及萬民之治

令以贊冢罕凡治之者受法令焉以其在
殿柱之間亦謂之柱下史秦改為侍御史

春池滿復寬

王褒湑池詩長洲春水滿臨泛廣川中陳
嘉言晦日重宴詩莫華凋上葉柳色靄春

池劉友賢晦日宴高氏林亭詩池碧新
流滿弓嗣初晦日重宴詩春溜滿新池
晦節耐邀歡羊公

傳提月六鷗退飛過宋都提月者何僅見是月晦日也
何休注提月邊也魯人語也在是月之幾盡曹植酒賦

將承歡以接意即餘令晦日宴高氏
林亭詩三春休晦節九谷泛年華
月帶蝦蟇冷春秋
孔演

蟾蜍月精也五經通義月中有兔與蟾蜍何兔陰也蟾蜍陽也與兔竝明陰係陽也抱朴子黃帝醫經有蝦

蟻圖言月生始二日蝦蟇始生周禮蜩

霜隨獬豸寒典通

氏注鄭司農云蜩讀為蟻蟻蝦蟇也

御史為風霜之任彈紕不法百僚震恐官之雄峻莫之比焉崔篆御史歲簡上霜凝胡廣漢官儀御史四人持

書皆法冠法冠者秦始皇滅楚以其君冠賜御史一名柱後一名獬豸獬豸獸名一角知人曲直觸邪佞故執法者冠之

水雲低錦席

呂氏春秋山雲草莽水雲魚鱗陳嘉言晦日重宴詩綺席珍羞滿韓重宣晦日宴高

氏林亭詩此時陪綺席

岸柳拂金盤

梁簡文帝詩岸柳垂長葉窓棐落細附又水苔隨纜段岸

柳拂舟垂南史劉穆之傳以金盤貯檳榔一斛以進之

日暮舟中散

左傳日云暮矣寡君須矣

王祭詩日暮遊西園沈約詩佇立日已暮魏叔晦日泛舟應詔詩睿賞芳月色宴言忘日暮吳越春秋舟中人

怖都人夾道看

詩彼都人士周禮鄉師率其屬夾道而蹕又條狼氏王出入則八人夾道漢書

揚雄傳成卒夾道

詠郡齋壁畫片雲

片雲何人畫

梁簡文帝詩可憐片雲生陳子昂詩片雲生極浦斜日隱離亭梁元帝詩繞砌縈流

水邊梁圖畫雲江淹麗色賦館圖明月室畫浮雲又空青賦寫雲圖氣學靈狀仙庾肩吾詩圖雲仍溜雨畫水

即生 苔塵侵粉色微

論衡清受塵白取垢謝莊賦綠苔生閨芳塵凝榭梁元帝和林下詠姬詩

輕花亂粉色風篠雜絃聲劉孝綽詩浮光亂粉壁張正見詩陳王開甲第粉壁麗杼塗庾信燈賦窓藏明于粉

壁柳助暗于蘭閨

未曾行雨去

宋玉高唐賦旦為朝雲暮為行雨左思魏都賦畜為屯雲泄為

行雨庾信行雨山銘山名行雨地異陽
臺陶潛詩飄飄西來風悠悠東去雲
不見逐風歸元

帝詩不見懷春人徒望春光新又灘聲下灘石猿鳴上
逐風鮑泉詩可憐階下梅飄蕩逐風迴班固西征賦吐

清風之颺戾納歸雲之鬱翳向秀懷舊賦仰
晞歸雲俯鏡流泉傅毅七激仰歸雲遨遊風只恠偏凝

壁薛道衡出塞詩凝雲迷代郡流水凍秦乾雲笈七籤
結氣凝雲因機化現漢官典職漢省中皆以胡粉塗

壁紫素界之畫古烈士顧野王賦圖長袖于素壁庾信
詩龍來隨畫壁駱賓王詩銘書非晉代畫壁是梁年

回看欲惹衣古詞至今衣袖惹天香梁簡文帝
賦長廊之瓦虛墮梁上之塵染衣丹青忽

借便孝經疏洛龜曜書丹青垂萌漢書蘇武傳竹帛所
載丹青所畫吳都賦丹青圖其象盧照鄰詩誰能

借風移向帝鄉飛郭璞詩永偕帝鄉侶千齡共逍遙謝
便瞻張子房詩聲允契幽叟翻飛指帝

鄉漢高帝大風歌大風起兮雲飛揚漢武秋風辭秋風
起兮白雲飛南史柳惲傳惲少工篇什為詩云亭皋木
葉下隴首秋雲飛瑯琊王融見而嗟賞因書齋
壁董思恭詠雲詩帝鄉白雲起飛蓋上天衢

杜甫

題元武禪師屋壁

寰宇記元武山在元武縣東二里其山六屈三起方輿勝

覽大雄山在中江縣有元武廟杜詩元武
禪師屋在此一統志元武山一名大雄山

何年顧虎頭

名畫記顧愷之字長康小字虎頭世說謝
太傅云顧長康畫有蒼生以來所無續晉

陽秋愷之尤好丹青妙絕於時

滿壁畫滄洲

名畫記興寧中瓦官寺初
置僧衆請朝賢鳴刹注疏

其時莫過十萬者既至長康打刹直注百萬後寺衆請
勾疏長康曰宜脩一壁遂閉戶往來月餘日所畫維摩

詰像一軀工畢將欲點眸子乃謂寺僧曰第一日觀者
請施十萬第二日五萬第三日任例責施及開戶光照
一室施者填咽俄頃而得百萬又愷之嘗畫廬山會圖
及山水并水鳥屏風等傳於世駱賓王詩銘書非晉代
壁畫是梁年杜陽雜編隋大業九年元藏幾為過海使
判官風飄至洲島間洲人云此滄洲去中國已數萬里
其洲方千里花木常如二三月人皆不
死謝朓詩既懽懷祿情復愜滄洲趣

赤日石林氣

遜何

詩赤日下城圓王維詩赤日團平陸楚辭焉有石
林何獸能言沈約詩石林上叅差流沫下縱橫

青天

江海流

列子上闕青天新論窮巖曲岫之梓穎冠青天
根鑿黃泉曹植詩鰕鰕遊潢潦安知江海流左

思吳都賦羣
歷江海之流

錫飛常近鶴

高僧傳舒州潛山最奇絕山
麓尤勝誌公與白鶴道人欲

之同白武帝帝俾各以物識其地得者居之道人以鶴
誌公以錫已而鶴先飛去至麓將止忽聞空中飛錫聲

誌公之錫遂卓於山麓道人憚然以前言不可食遂各以所識之處築室焉孫綽遊天台山賦應真飛錫以躡杯渡不驚鷗傳燈錄劉宋時杯渡者不知姓名常乘木杯渡水庾信佛龕銘飛錫遙來渡杯

遠至列子海上之人有好漚鳥者每旦之海上似得盧從漚鳥遊孫綽詩物我皆忘懷可以狎鷗鳥

山路

山海經廬山有二名一曰天子都一曰天子鄣伏滔遊廬山序廬山者江陽之名岳其形也背岷流

面彭蠡蟠根所據亘數百里重峯疊嶂仰揖雲日俯瞰川湖之流焉廬山志凡登廬頂大道有三自雲峯寺入

者為北道自含鄱口入者為南道自淨慧寺入者為東道

真隨惠遠遊

廬山記遠法師居廬山

二十餘年影不出山跡不入俗高僧傳惠遠住廬山彭城劉遺民豫章雷次宗雁門周續之新蔡畢穎之南陽

張萊民張季碩等並棄世遺榮依遠遊止

沈佺期

紫騮馬

詩騮馬是中箋馬赤身黑鬣曰騮古今樂錄紫騮馬從軍久戍懷歸而作也樂

府解題漢橫吹曲二十八解紫騮馬其一也

青玉紫騮鞍

崔豹古今注孫文臺獲青玉馬鞍其光照衢梁昭明太子七契乃飾金羈之昭晰加

以玉鞍之輝煥劉孝威啓加之玉鞍飾之金絡陳後主紫騮馬蹀躞紫騮馬照曜白銀鞍驕多影屢

盤

庾信詩汗濕馬全驕梁簡文帝詩影斜鞭照耀王由禮詩躡影復凌空世說庾翼於道上盤馬始兩轉墜

馬墮地意氣自若劉孝威詩聽馬出樓蘭一步九盤桓

荷君能剪拂

潘岳詩但恐忝所荷戰國

策今僕居鄙俗之日久矣君獨無湔拔僕也注湔拔剪拂音義同劉峻廣絕交論剪拂使其長鳴盧思道孤鴻

賦剪拂吹噓
長其光價

蹀躞噴桑乾

顏延之赭白馬賦望翔雲而蹀足梁元帝紫騮馬依槐復

依柳蹀躞復隨前陳後主紫騮馬嫖姚紫塞歸蹀躞紅塵飛穆天子傳黃之池其馬噴沙又黃之澤其馬噴玉

戰國策驥於是俯而噴仰而鳴漢書地理志代郡桑乾縣一統志朔州在大同府城西南二百八十里後魏置

桑乾郡又桑乾河在大同府城南六十里源出馬邑縣北洪濤山下與金龍池水合流東南入盧溝河庾信詩

代郡蓬初轉遼陽桑欲乾

蹀足追奔易

玉篇蹀曲足也張衡東都賦馬蹀餘足士怒未涼注蹀屈

也傅休奕詩蹀足蹉跎長坡下張正見紫騮馬須還十萬里試為一追風拾遺記穆王馭八龍之駿七名騰霧

乘雲而奔隋書周法尚傳若戰而捷抽騎追奔

長鳴遇賞難

戰國策楚客謂春申君曰昔騏驥駕

鹽車上吳坂遷延負轅而不能進遭伯樂仰而鳴知伯樂知己也今僕屈厄日久君獨無意使僕為君長鳴乎

劉琨贈盧謚詩序駮駟倚輶於吳坂長鳴於良樂知
與不知也楊炯賦彼懷寶以遇賞此不材而見嗟

金一萬里

司馬相如子虛賦擬金鼓注擬擊也音窓金
鼓鉦也梁簡文帝詩驤騎晨野擬金曉陸天

馬歌體容與迤萬里今安匹龍為友郭璞山海經序
穆王駕八駿之乘造父為御萬里長驚以周歷四荒霜

露不辭寒

左傳跋涉山川蒙犯霜露莊子馬蹄可以踐
霜雪毛可以禦風寒顏延之詩嚴駕越風寒

徐鞍犯
霜露

杜甫

胡馬

全唐詩題上有房兵曹三字漢書傳贊胡
馬不窺于長城古詩胡馬依北風越鳥巢

南枝蘇武詩胡馬失其羣思心常依依唐
書百官志左右衛兵曹叅軍事各二人

胡馬大宛名

史記大宛傳大宛去漢可萬里多善馬馬汗血其先天馬子也初天子得烏孫馬好

名曰天馬及得大宛汗血馬益壯更名烏孫馬曰西極名大宛馬曰天馬云後漢書馬援傳援善別名馬庾信

詩長風駿馬名鋒稜瘦骨成馬援銅馬相法牙劍鋒則千里顏

良史記滑稽傳相馬失之瘦相士失之貧列子伯樂曰良馬可形容筋骨相也後漢書馬援傳常師事子阿受

相馬骨法赭白馬賦附筋樹骨垂梢植髮傳休奕馬賦頭似削成竹批雙耳峻耳相馬經

相近而前豎小而厚凡相馬先除三羸五驚大頭緩耳一驚也齊民要術耳欲得小而促狀如斬竹筒黃伯仁

龍馬頌耳如削筒目象明星唐太宗叙十驥耳根纖銳杉竹難方蘇頲雙白鷹贊精明竦峻風入四

蹄輕古今注秦始皇有七名馬一追風王褒頌追奔電逐遺風拾遺記曹洪所乘馬曰白鵠此馬走惟覺

耳中風聲脚似不踐地時人謂乘風行也沈佺期驄馬行四蹄碧玉片雙眼黃金瞳劉義恭白馬賦疎身

輕所向無空濶

史記項羽紀有駿馬名騏驎常騎之曰吾騎此馬五歲所向無敵何晏韓白論白

起為將所向無前謝觀越裳獻白雉賦跋涉空濶江山修阻

真堪托死生

詩死生契濶孫子形

之而知死生之地世語劉備屯樊城劉表憚其為人曾請備宴會欲因會取備備覺之潛遁出所乘馬名的盧騎的盧走渡襄陽城西檀溪水中溺不得出備急曰的盧今日厄矣可努力的盧乃一踊三丈遂得過

騰有如此

赭白馬賦料武藝品驍騰注驍良馬也騰奔也

萬里可橫行

莊子穆王駕八

馬之乘一日行萬里漢書天馬歌體容與逝萬里注言能厲渡萬里也後漢書張宗傳萬夫致死可以橫行楊素

詩橫行

萬里外

駱賓王

義烏人初為道王府屬歷長安主簿左遷臨海丞徐敬業舉義署為府屬敬業事敗

賓王亡命
不知所終

秋菊

楚辭夕餐秋菊之落英
陶潛詩秋菊有佳色

擢秀三秋晚

盧諶菊花賦晞九陽而擢莖陸雲文披藻
崑崙擢秀暘谷蘇彥秋夜長賦貞松隆冬

以擢秀詩一日不見如三秋芳梁元帝纂要秋曰三秋
九秋王融策秀才文幸四境無虞三秋式稔陳叔達咏

菊詩但令逢採
摘寧辭獨晚榮
開芳十步中

鮑照詩開芳及稚節梁元
帝詩蘭生不擇徑十步豈

難稀劉剛青草詩雨淋三春葉風傳十步香隋大業元
年詔方今宇內平一文軌攸同十步之內必有芳草四

海之大豈
乏孝秀

分黃俱笑日

禮記季秋之月菊有黃花鍾會
菊賦純黃不雜后土色也左

傳葵猶能衛其足注葵傾葉向日以護其根唐太宗詠桃詩向日分千笑迎風共一香含翠共搖

風傳休奕瓜賦黃逾金細青侔含翠傳統妻菊花頌春茂翠葉秋曜金華傳休奕紫華賦從迴風以搖動紛

蘭暢而蕙潔江淹賦搖風忽起白日西匿碎影隨流動

庾肩吾芝草詩隨丹聊變水獨搖不須風

唐太宗秋日詩衣碎荷疎影花明菊照叢又殘菊詩圓

花飛碎黃史記屈原傳舉世混濁何不隨其流而揚其

波宋玉高唐賦更唱迭和赴曲隨流風俗通南陽鄴縣

有甘泉其山有大菊水從山上流下得其滋液谷中悉

飲此水上壽百二十菊華浮香隔岸通隋煬帝詩清

輕身益氣令人堅強故也音出歌扇浮

香飄舞衣唐太宗殘菊詩風勁淺殘香拾遺記淋池之

南有一連理桂上枝跨於渠下隔岸而生與上枝同一

株賀凱九日詩寒花低岸金翹徒可泛陸機白雲賦紅

菊唐太宗詩岸菊照晨光金翹徒可泛陸機白雲賦紅

翹援而合葩蘇彥秋夜長賦金菊吐翹以凌霜梁元帝
詩風來如可泛流急不成圓王筠摘園菊贈謝舉詩泛
酌宜長久聊荐野人誠玉笋竟誰同王融詩金卮浮水
張正見詩菊泛金枝下翠玉笋挹泉珠梁
簡文帝楚王廟碑玉笋瑶樽止陳丹桂清酌吳筠詩銜
杯竟誰待梁簡文帝述羈賦遠山碧暮水紅日既晏誰
與同

李白

望漢陽柳色寄王宰

一統志湖廣漢陽府漢為江夏郡唐置沔州治漢陽

縣唐書地理志鄂州江夏郡漢陽縣

漢陽江上柳

一統志大江在漢陽府城東南上接瀟湘洞庭諸水合流東南入本府界一百五十

里謝朓詩江上徒離憂種樹書順揀為柳倒揀為楊

送客引東枝

三輔黃圖霸橋在長安東跨水

作橋漢人送客至此橋折柳贈別別賦悵飲東都送客金谷梁湘東王詩柳枝無極軟劉邕詩攀枝恨久離王

融春遊迴文詩北塞柳分枝

樹樹花如雪

王績詩樹樹皆秋色本草注柳花熟時隨風狀如飛

雪李嶠柳詩庭前花類雪紛紛亂若絲

史記天官書郁都紛紛漢書志述酒然紛紛枚乘柳賦流

亂輕絲柳暉折楊柳詩楊柳亂成絲

春風傳我意

宋子侯樂府春風東北起繁欽柳賦因春風以

揚草木別前知

易百穀草木麗乎土書疇若予上下草數草木別前知木鳥獸食曰益哉左傳叔向遼鄭駿茂

一言而善執手寄謝弦歌宰

劉刪詩寄謝千金子論語子之武城聞弦歌之聲又

子游為武城宰潘尼贈河陽令潘安仁詩武城播弦歌

西來定未遲

禮記賜爾來何遲也陳後

主詩羅幃夜寒
卷相望人來遲

杜甫

嚴鄭公宅同咏竹得香字

唐書嚴武字季鷹擢成都尹劍南節度使

還拜京兆尹封鄭國公復節度劍南

綠竹半含籜

孫楚登樓賦羨綠竹之茂陰謝朓賦蔭綠竹以淹留張協詩浮陽蔭翠林迴飈扇綠

竹賀循詩綠竹影參差歲蕤帶曲池謝靈運詩初篁包綠籜新蒲含紫茸庾肩吾詩竹葉含初籜葉枝發早榮

新梢纔出墻

謝朓詩紅蓮搖弱荇丹藤繞新竹劉孝先竹詩竹生空野外梢雲聳百尋張正見詩

翠竹梢雲自結叢輕花嫩筍欲凌空虞世南詩蔥翠梢雲質垂彩映清池劉孝威詩栖禽動夜竹流螢出閣墻

色侵書帙曉

江淹靈丘竹賦窓岨嶸而綠色戶踟躕而臨空漢書京房傳蒙氣復垂卦太陽侵色

注晉卦解卦也太陽侵色謂大壯也說文帙書衣也拾遺記蘓秦張儀同志好學每假食于路剝樹皮編以為

書帙以盛天下良書庾信詩

陰過酒尊涼

謝朓詩竹樹澄遠陰雲霞

成異色詩有杖之杜疏言有杖然特生之杜生於道路

之左人所以不休息者由其陰涼寡薄故也王僧達文

涼陰掩軒書序諸侯班宗彛傳賦宗廟彛器酒樽賜諸

侯隋書盧思道傳濁酒盈樽高歌滿席陶潛歸去來辭

携幼入室

雨洗娟娟淨

張說詩雨洗亭臯千畝綠風吹梅李一園香東方朔七諫便娟

有酒盈尊

之脩竹寄生于江潭吳都賦檀欒嬋娟蕭大園竹

花賦歲蕤繡簞嬋娟綠筒劉孝威詩葉落枝柯淨

細細香

盛弘之荊州記臨賀東山有大竹數十圍高亦數十丈聞風吹此竹如簫管之音吳均詩風吹

承露臺蕭瑟詩暮風吹竹起陽雲覆石來梁元帝夜宿
栢齋詩風細雨聲遲夜短更漏急江迤竹賦振歲蕤扇
芬芳江淹靈丘竹賦非英非藥非香非馥賀
循詩香風飄舞花間度好鳥和風枝上飛但令無剪

伐詩蔽芾甘棠勿剪勿伐漢書地理志江南地廣以漁
獵山伐為業注山伐謂伐山取竹木戴凱之竹譜龍

鍾竹伶倫會見拂雲長江迤竹賦拂景雲以容與拊惠
所伐也風而迴縈謝靈運山居賦其竹

則二箭殊葉四苦齊味互梢雲以拂杪臨碧潭而
挺翠江洪齊前竹詩不惜凌雲茂遂聽羣雀棲

江梅

梅蕊臘前破

梁簡文帝詩日照蒲心暖風吹梅蕊香廣
韻花外曰萼花內曰蕊史記秦本紀惠文

王十二年初臘正義十二月臘日也庾信梅花詩常年
臘月半已覺梅花開江總梅花落臘月正月早驚春衆

花未發梅花新南方草木狀檳榔樹端
頂有葉條派開破如挿叢蕉於樹杪

梅花年後多梁元

帝詩柳絮時依酒梅花乍入衣沈約詩無事逐梅花空
教信楊柳王叔英妻劉氏詩梅花自爛漫張說詩歲後

寒初變春前芳未開陰鏗絕知春意早

梁簡文帝雪裏
覓梅花詩絕訝

梅花晚爭來雪裏窺劉綏詩遙見飛花發聞香知異春
梁元帝詩春意春已繁春人春不見江淹詩始懷未及

歎春意秋方驚謝靈運早梅詩迎春故早最奈客愁何
發獨自不疑寒張正見詩發早覺寒侵

詩客心愁日暮徙倚空望歸劉孺大雪聯句詎使客愁
生世說桓子野每聞清歌輒喚奈何徐陵洛陽道潘郎

車欲滿無奈擲花何侯夫人雪樹原同色

庾肩吾詩瑞
雪墜堯年因

詩庭花方爛漫無計奈春何
風入綺錢飛花灑庭樹凝瑛結井泉史記天官書五星
同色天下偃兵百姓安寧襄陽樂古辭三春雖同色歲

寒非處儂陽縉照帙
秋螢詩忽聚還同色
江風亦自波

梁元帝詩江風當夏清庾信詩日落江風

靜龍吟迴上游九章順風波以從流兮焉
洋而為客晉書吳猛傳因還豫章風波甚急
故園不可

見

虞炎詩方掩故園扉何胥詩秋風生故園古樂府故鄉不可見長望始此回何遜詩鄉園不可見江水獨

自巫岫鬱嵯峨

廣韻山有穴曰岫沈約修竹彈甘蕉文巫峽歛雲秦樓開照陸敬巫山高巫岫

鬱岩堯高高入紫霄陸機歌長風萬里舉慶雲鬱嵯峨入詩雲山鬱嵯峨

劉長卿

晚桃

四月深澗底

詩四月維夏六月徂暑又四月秀萼五月鳴蜩爾雅四月為余左思詠史詩鬱鬱澗

底松離離山上苗謝朓始出尚書桃花方欲然詩桃之

灼其華禮記仲春之月桃始華棠花古作華蕭子顯詩

尚野鄰女詩貌同朝日麗粧競午花然寧知地勢下

勢坤君子以厚德載物周禮凡天下之地勢兩山之間

必有川焉大川之上必有涂焉詩降觀于桑傳地勢宜

蠶可以居民書禹貢遂使春風偏管子吾不能春風風

春風至則甘雨降生育萬物蕭子此意頗堪惜張說詩

雲賦春風蕩羅帳餘花落鏡奩若使巢

由同此意不將無言誰為傳漢書李廣傳桃李不言下

蘿薛易簪纓自成蹊後漢書桓譚傳譚

獨自守默然無言王績遊北山賦序孫登獨坐對拙阮

而無言傳燈錄諸菩薩各說入不二法門以言顯於無

言莊子語之所貴者意也意有所
隨意之所隨者不可以言傳也
過時君未賞

荀子桃李舊聚

於一時古詩過時而不采將隨
秋草萎陳後主詩園林多趣賞
空媚幽林前

潘岳芙蓉賦發清陽

而增媚潤白玉而加鮮班固西都賦其陽則崇山隱天
幽林穹谷陸海珍藏藍田美玉江總侍宴臨芳殿詩林
前暝色靜花
處近香來

陳子昂

夏日游暉上人房

圓覺要覽內有德智外有勝行在人之上名曰上人

山水開精舍

謝靈運遊名山序山水性分之所適洛陽伽藍記卜居動靜之間不以山水為忘釋

迦譜息心所棲曰精舍水經注豫章散原山
琴歌列梵
疊嶂四周晉沙門竺曇顯建精舍於山南

筵

高士傳榮啓期鹿裘帶索鼓琴而歌法苑珠林昔世尊入定琴歌震於石室沈約棲禪精舍銘往辭妙幄

今承

人疑白樓賞

水經注魏神瑞三年建白樓樓甚高竦加觀榭於其上表裏飾以石粉塢

曜建素赭白綺分故世謂之白樓

地似竹林禪

牟子佛國有五精舍一給孤園二靈鷲山三彌

猴江四菴樹五竹林園傳燈錄禪有道外凡夫小乘大乘之不同最上乘禪亦名如來清靜禪

對戶池

光亂

謝靈運山居賦羅層崖於戶裏鏡清瀾於窓前徐陵詩雲生對戶石梁元帝遊後園詩日照池光淺

江總山亭銘樹影搖窓池光動翠劉孝綽詩浮光亂粉壁

交軒巖翠連

左思蜀都賦開高軒以臨

山謝靈運名山志石門山兩巖間瀑布飛瀉丹翠交曜謝靈運詩連嶂疊巘崿青翠杳深沉

色空今

非寂

理心經色即是空空即是色梁昭明太子聽講詩至理乃悟寂承稟實能仁維摩經注寂謂寂滅常靜

之乘月弄澄泉

謝靈運入華子岡詩且仲獨往意乘月弄潺湲孔賓子水簪澄鑒無虛爾雅水

源曰泉鮑泉望月詩川澄光尚動叅同契惟此一物湛予獨存如清淵之印月寂然不動如止水之無波法苑珠林清涼山有大泉名曰太華清澄如鏡

沈佺期

樂成白鶴寺

唐書地理志江南道温州永嘉郡縣樂成一統志浙江温州府樂清

縣在府城東北六十里本東漢永寧縣地晉析置樂成縣隋省唐復置五代梁時改樂清

縣白鶴寺

在縣治西

碧海開龍藏

一統志温州府東至海岸九十里十洲記扶桑在東海之東岸岸直陸行登岸一萬

里東復有碧海海廣狹浩汗與東海等水既不鹹苦正
作碧色甘香味美隋煬帝望海詩碧海雖欣矚金臺空
有聞薛道衡詩駕龜臨碧海沈青雲起鴈堂起青雲扶

歸藏蒼帝

日楚辭九歌青雲衣兮白霓裳十洲記征和三年月氏
國遣使獻香使者曰國有常占東風入律百旬不休青

雲千呂連月不散知中國有好道之君故搜奇蘊而貢
神香釋氏要覽毗舍離為佛作堂形如鴈字故名鴈堂

潮聲迎法鼓

一統志象浦在樂清縣西舟楫皆乘潮出
入孫綽遊天台山賦法鼓琅以振響眾香

馥以揚烟注法華經云擊大法鼓燒眾名香謝靈運山
居賦法鼓朗響頌偈清發更信佛龕銘雷乘法鼓樹積

天雨氣濕天香

王勃詩雨去花光濕水經注爾時諸神
天人側塞空中散天香花庾信浮圖詩

天香下桂殿樹接前山暗

江淹愛遠山騷體臨星朏兮
樹暗看日爍兮霞淺劉孝威

渡吉陽洲詩似覺前山來庾肩吾詩前山黃葉起陰鏗
詩紛紜連山暗潺湲派水清一統志白鶴山嘗有白鶴
棲鳴山上在溪承瀑水涼一統志溫州梅雨潭上有飛
樂清縣治西

名仙巖瀑布梁簡文帝招真館碑高巖鬱起帶青雲而
作峯瀑水懸流襍天河而俱灑劉斌詩石梁高鳥路瀑

水近天河劉孝威詩倚巖欣石冷臨池愛水涼無言謫居遠史記屈賈傳賈生

自廣按適與謫同唐書佺期本傳佺期相州人累除清
給事中張易之敗長流驩州稍遷台州錄事參軍事清

淨得空王南史梁武帝紀幸同泰寺設無遮大會行清
淨大捨觀佛三昧經過去久遠有佛出世號

曰空王圓覺經佛為
萬法之王又曰空王

遊少林寺

傳燈錄初祖達磨南天竺國人汎重
溟凡三寒暑達于南海梁武帝詔至

金陵師知不契潛回江北上嵩山少林寺面壁九年人莫之測一統志少林寺在登封縣

西少室山北麓魏時建梁時達磨居此

長歌遊寶地

蘇武詩長歌正激烈謝莊月賦愬皓月而長歌張衡觀舞賦展清聲而長歌王融出

家頌澡身浴德晦跡埋名將安寶地誰留徒倚對珠林化城盧照鄰詩寶地乘客出香臺接漢高

楚辭步徙倚而遙思兮怙愴恍而永懷庾信詩徘徊出桂苑徙倚就花林華嚴經黃金七寶為地摩尼珠為林唐太宗聖教序雁塔風霜古飛翔乃曰可充我食一雁標瓦礫于珠林

即墮地佛曰此雁王也不可食因立雁塔陸倕天光寺碑龍城愧飾雁塔慚珍王勃文高臺與雁塔俱平曲岑與猴池共盡西京雜記淮南王安著鴻烈二十一篇自云字中皆挾風霜庾信小園賦聊以擬伏臘聊以避風

霜

龍池歲月深

水經注九曲在河南鞏縣西至洛陽又沈流注靈芝九龍池河南志九龍潭

在登封少林寺魏文帝樂府今我不樂歲
月如馳陶潛詩服勤盡歲月常恐功愈微
紺園澄夕霽

徐陵孝義寺碑紺殿安坐蓮花養神庾信法筵應詔詩
千柱蓮花塔由旬紫紺園按白帖香室紺園蘭若招提

皆佛寺名謝靈運詩時竟夕澄霽
雲歸日西馳謝瞻詩夕霽風氣涼
碧殿下秋陰
詩梁元帝

佳氣滿月殿善風清又阿育王象碑金牀照彩出紫殿
而相輝後周明帝詔莫不布金而構祇園流銀而成寶

殿顏延之文晨烟
暮靄春煦秋陰
歸路烟霞晚
陶潛詩行行循歸路計
日望舊居江淹詩試訪

淮海使歸路成數千孔稚圭褚伯玉碑泉石依情烟霞
入抱沈約金庭館碑銘吐吸烟霞變煉丹液張正見詩

桃李雜
山蟬處處吟
沈約棲禪精舍銘八翻海鶴九噪
烟霞
巖蟬
徐陵詩蟬咽覺山秋晉子夜

歌處處種芙蓉宛轉得蓮子梁元帝詩處處春芳動褚
雲賦得蟬詩繁吟如欲盡沈君攸早蟬詩地幽吟不斷

携琴得酒尋崇濟寺僧院

寺塔記招國坊崇濟
寺內有天后織成蛟

龍被襖子及
繡衣六事

相訪但尋鐘

南史王融傳聊復相訪陳子昂詩
聞鶯忽相訪左思詩南鄰鐘磬响

門寒古

殿松

洛陽伽藍記永明寺庭列脩竹簷
拂高松謝惠連詩牽葉入松門

彈琴醒暮酒

華嶠

漢書蔡邕在陳留有人以酒召邕者比往而酒以酣客
有彈琴于屏崔豹古今草木注土人投酒能消宿醒

卷幔引諸峯

通典蜀將諸葛亮屯于陽平卷幔開四門
掃地却飲酒宣王疑其有伏庾肩吾詩離

舟卷幔成王融詠幔詩月飲不辭卷謝
靈運山居賦注仰眺層峯俯鏡濤壑

事懷林中語

謝靈

運詩心愜三避賢易惟入
于林中古諺林中不賣魚

人幽物外蹤

陸機幽人賦是以物外莫得窺

其與梁簡文帝神山寺碑智
周物外王融詩栖情閒物外

吾廬幸接近

陶潛詩吾亦愛吾廬向秀

思舊賦序余少與嵇康呂安居
趾接近其人竝有不羈之才

茲地興偏慵

劉孝綽詩茲地多諧

賞梁簡文帝詩茲地信爽塏王
籍詩此地勞歸念長年悲倦遊

孟浩然

大禹寺義公房

法苑珠林吳州會稽山大禹寺立塔舍利泛度五江風波皆不

起又放神光
獲得紫芝

義公習禪寂

維摩經一心禪寂攝諸亂惡謝朓詩神理內寂機象外融唐太宗聖教序法流湛寂

挹之莫測其源高僧傳智藏宿靈曜寺夜見金光
照耀或問其故答曰晏寂之門固有妙吉祥

結宇

依空林

張協詩結宇窮岡曲王筠草堂寺碑結宇山楸
疏壤幽岫任昉文依林構宇傍巖拓架謝靈運

過瞿溪山僧詩清霄颺浮烟空
林響法鼓又詩卧病對空林

戶外一峯秀

禮記戶外有二屨言

聞則入言不聞則不入梁書徐勉書孤峯叢薄不無糾
紛之異吳均書絕壁干天孤峯入漢錄異記金州之北
地名東柱西柱峯巒秀異又東有數峯峭拔一峰竅高
宋書劉穆之傳夢至一山峯巒聳秀林樹繁密意甚悅

之堦前眾壑深

儀禮大射儀司馬正袒決遂執弓右挟
之出與司射交于堦前相左梁元帝詩

曉霧晦堦前廬照鄰樂府序翠樓金閣雕石壁而鏤羣
峯碧甃銅池俯銀津而橫眾壑王褒刻漏銘甘川浴日
深壑藏舟宋之問太平公主山池賦夕陽連雨足
芳園暮兮白日沈爽氣浮兮黛壑深

詩度其夕

陽爾雅山西曰夕陽劉琨詩夕陽忽西流謝朓遊後園賦爾乃日栖榆柳霞照夕陽張協詩雲根流八極雨足

洒四溟庾肩吾詩雁行連霧盡雨足帶雲移

空翠落庭陰

謝靈運過白岸亭詩空翠難強名漁

釣易為曲陳後主詩歇霧含空翠劉琨詩移榻坐庭陰孔稚圭北山移文青松落陰白雲誰侶

看取蓮

花淨

法華經是菩薩目如廣大青蓮花葉華嚴經蓮花世界是盧舍那佛成道之國一蓮花有百億國五

燈會元迦葉初生刹利王家放大智光明照十方世界池湧金蓮花自然捧雙足梁元帝叅講席詩意樹發空

花心蓮吐輕馥劉孝儀無量壽佛像碑銘葉產梵臺花開釋子玉蓮交映銀河遙起唐太宗聖教序蓮出綠波

淤泥不能傷其潔

方知不染心

北山移文乍回迹以染心或先貞而後黷淨住子心常無礙空

有不染地持論菩薩於如來所起六種淨心謂福田無上心思德無上心於一切衆生無上心如優曇鉢花難

遇心於三千大千世界獨一心於世間出世
間法一切具足依義心江總詩淨心抱冰雪

陳子昂

春日登金華觀

地志金華山上拂雲霄下瞰涪江有玉京觀在本山上東晉陳

勲學道山中白日仙去梁天監中建觀輿地紀勝陳拾遺書堂在射洪縣北金華山大歷

中東川節度使為立旌德碑

白玉仙臺古

山海經涇谷之山涇水出焉是多白金白玉禮記天子佩白玉而玄組綬三輔黃圖

通天臺亦曰望仙臺玄隴紫微詩神華映仙臺唐太宗詩臺古半階斜

丹丘別望遙

楚辭仍羽

人於丹丘兮留不死之舊鄉王逸注丹丘晝夜常明也拾遺記高辛有丹丘之國獻瑪瑙甕以承甘露又有丹

丘千年一燒黃河千年一清至聖之君以為大瑞周禮
春官男巫掌望祀望衍䟽望祀者遙望而祝之揚雄河
東賦登六觀而遙望兮聊浮游以經營王粲登樓山川
賦憑軒檻以遙望諸葛亮梁父吟遙望山上松山川

亂雲日

易地險山川丘陵也詩山川悠遠維其勞矣禮
記命有司為民祈祀山川百源魏志公孫度傳

注永瞻雲日曹植詩脩坂造雲日晉書樂志黃雀應清
化翔習何翩翩和鳴栖庭樹徘徊雲日間謝靈運詩雲
日相樓榭入烟霄水經注桑乾縣有白狼堆魏道武皇
輝映樓榭入烟霄帝于是遇白狼之瑞阜上有故宮廟

樓榭基址尚崇劉孝
先詩逸興烟霄上

鶴舞千年樹韓非子師曠援琴一
奏有玄鶴二八來集

再奏而列三奏而延頸鳴舒翼而舞音中宮商通典鶴
舞馬舞竹書穆天子傳亦有之傅休奕詩世有千年松
能百 虹飛百尺橋周處風土記陽羨縣前大橋南北
七十二丈橋中高起有虹形袁君

所立梁簡文帝詩日照飛虹橋梁元帝賦虹橋左跨還
雁苑南通虞世南應令詩垂星開鶴禁帶月下虹橋還
疑赤松子史記張良傳良曰願棄人間事從赤松子遊
耳列仙傳赤松子神農時雨師也服水玉常
居西王母天路坐相邀枚乘詩美人在雲端天路隔無
石室中期幽通賦仰天路而同軌西京
賦要羨門乎天路晉長干曲
逆浪故相邀菱舟不怕搖

王勃

郊園即事

南史齊高帝紀拒草騰芳于郊園景
星垂暉于清漢沈約詩晨起朝建禮

晚沐卧郊園何遜詩日長禁戶倦即事思
短晨沈約詩即事既多美臨眺殊復奇

烟霞春早賞

沈約金庭館碑吐吸烟霞變鍊丹液孔稚
圭褚伯玉碑泉石依情烟霞入抱北史隱

逸傳冷松餌木棲息烟霞按宗懷有早春詩

松竹故年心

夏侯湛薺賦齊精氣于歆冬均貞固

于松竹表宏三國名臣贊競收杞梓爭采松竹梁元帝與劉智藏書山間芳杜自有松竹之娛巖穴鳴琴非無

薺蘿之致沈炯詩生柯如昨日石合未淹年禮記其人在也如竹箭之有筠也如松柏之有心也故貫四時而

不改柯
易葉
斷山疑畫障
世說世目周侯嶷如斷山注周顗

海上之飛鶴庾信詩山長半股斷按疑品彙本作凝廣韻障界也隔也步障也江淹空青賦曲帳畫屏素女綵

扇
懸溜寫鳴琴

陶潛文淙淙懸溜暖暖荒林劉峻金華山棲志懸溜瀉於軒甍激湍回於階砌

按寫品彙本作瀉增韻轉本日寫摹畫曰寫張華詩北方有佳人端坐鼓鳴琴陸機詩間夜撫鳴琴謝惠連琴贊嶧陽孤桐裁為鳴琴體兼九絲聲備五音
草徧南亭合
梁元帝細草詩漫生雖欲徧人跡會

應開廣韻亭停也人所停集也謝朓詩草合亭臯遠霞
生川路長梁簡文帝詩苔生履處沒草合行人踈江淹
詩再逢綠草合
重見翠雲生
花開北院深

梁元帝詩春花犯雪開又賦月芝抽而曉落燈花開

而夜燃張正見詩華燈共影落芳杜雜花深廣韻院垣
院增韻有垣墻者曰院王延壽聯句露入覺牖高螢飛

測院
閒居饒酒賦
禮記孔子閒居子夏侍鄭康成戒子書將閒居以安性覃思以終業曹植

遊觀賦靜閒居而無事將遊目以自娛又酒賦序余覽
揚雄酒賦辭甚瓌瑋頗戲而不邪乃作酒賦粗究其終

始孔稚圭北山移文
隨興欲抽簪
沈約詩將陪告成禮待此未抽簪庾信小

琴歌既斷酒賦無續
園賦試偃息于茂
林乃久美于抽簪

虞世南

侍宴應詔賦韻得前字

芬芳禁林晚

劉向九嘆懷蘭芷之芬芳
梁武帝詩芬芳與時發西都賦接翼側足集禁林而屯

聚顏延之曲水詩南除輦道北清禁林

容與桂舟前

楚辭聊逍遙子容與江淹賦秋風駛子舟

容與徐勉詩微風吹擢歌日暮相容與九歌沛吾乘兮

桂舟梁元帝詩自解青絲纜將遺丹桂舟張正見汎舟

詩汎荷分蘭擢

橫空一鳥度

何遜賦翩排空而不矯劉孝威詩一鳥宿疎桐江總

乘春觸桂舟

詩一鳥霧中來虞

照水百花然

庾信詩照水燃犀角劉孝先詩露下百花鮮孟

騫詩澄潭寫度鳥

子若火之始然張正見哀桃賦苔畫

綠野明斜日

鮑至

波紋花然樹色庾信詩山花艷火然

詩野

綠氣方韶謝靈運詩春晚綠野秀巖高白雲屯梁簡文帝詩斜日晚駸駸顏延之曲水詩情盤景遽歡洽日斜

青山澹晚烟

謝朓詩不對芳春酒還望青山郭何遜詩天暮遠山青梁簡文帝詩遠烟生子含山

勢范雲詩薄晚孕奇烟

濫陪終宴賞

王融表等秩有差不敢踰濫沈約詩携手同歡宴比跡共

游陪鮑照詩陳鍾陪夕宴笙歌待明發江淹詩殊私奉玉裕終宴在金房南史江敷傳敷為丹陽丞袁粲為尹

敷與宴賞流連日夜何遜詩城中多宴賞絲竹常繁會

握管欲窺天

謝靈運山居賦援紙握管

會性通神莊子是直用管窺天用錐畫地不亦小乎東方朔客難語曰以管窺天以蠡測海以莛撞鐘

王績

野望

東臯薄暮望

唐書隱逸傳王績大業中舉孝悌廉潔授秘書正字不樂在朝求為六合丞以嗜酒

不任事乃還鄉里遊北山東臯著書自號東臯子爾雅澤曲曰臯潘岳秋興賦耕東臯之沃壤子注水田曰臯

東者取其生意也任昉為范雲讓封侯表東臯數畝控帶朝夕闕外一區悵望鍾阜廣雅曰將落曰薄暮范雲

詩田家樵采去薄暮方來徙倚欲何依楚辭步徙倚而歸唐明皇詩寒臯野望通徙倚欲何依遥思文選注徙

遷移也倚立也庾信詩徙倚就花林魏武帝短歌行月明星稀烏鵲南飛繞樹三匝何枝可依曹植詩宕宕當

何樹樹皆秋色庾信文樹樹秋聲淮南子一葉落而天依樹樹皆秋色下知秋謝朓望三湖詩歲蕤向春秀萎

黃共秋色虞世南奉和詠日午山山唯落暉謝靈運詩詩高天淨秋色長漢轉曦車羣木既羅

戶眾山亦對窓庾信文山山寒色王粲從軍詩白日半西山桑梓有餘暉江總春詩水苔宜溜色山櫻助落暉

虞騫擬雨詩落暉散牧人驅犢返周禮地官牧人掌牧長足細雨織斜文六牲而阜蕃其物詩

牧人乃夢說文犢牛子也古今注雉朝飛者牧犢子所作也王勃詩村童樵唱返漁叟釣歌還獵馬帶

禽歸

庾信詩獵馬向山橫宗慄詩拖車迴故塢獵馬轉新村劉孝威詩檻下驅雙駿腰邊帶兩韃爾雅翼

駟虞之馬工於逐禽曹植名都篇左挽因右發一縱兩禽連又歸來宴平樂美酒斗十千王褒詩回中講射歸

相顧無相識

梁簡文帝吳郡石像碑相顧失色於斯而返沈約詩征馬時相顧左傳吳公子札聘

于鄭見子產如舊相識庾信小園賦三春負鋤相識謝尚大道曲車馬不相識音落黃埃中

長歌懷

采薇

蘇武詩長歌正激烈月賦情紆軫其何托愬皓月而長歌詩陟彼北山言采其薇又采薇采薇注金

櫻芽也史記伯夷傳隱於首陽山采薇而食之作歌曰登彼西山子采其薇矣陶潛讀史詩采薇高歌慨想黃

虞

王勃

聖泉宴

方輿勝覽慶陽府合水縣有聖泉亭一統志聖公泉在慶陽府合水縣治南相

傳此泉能愈百病

披襟乘石磴

宋玉風賦有風颯然而至王乃披襟當之高僧傳王羲之在會稽謂支遁曰逍遙篇

可得聞乎遁乃作數千言才藻驚絕王披襟解帶留連不能去水經注石磴縈委若羊腸焉謝靈運詩石磴瀉

紅泉梁昭明太子詩牽蘿下石磴

列藉俯春泉

史記封禪書江淮之間一茅三脊所以為藉也潘岳

登虎牢山賦仰蔭嘉木俯藉芳卉夏侯湛賦拾柔草以自藉采懦毛以為褥庾信步虛詞春泉下玉溜庾闡詩

手澡春泉潔

蘭氣熏山酌

庾信詩美酒含蘭氣唐太宗詩蘭氣已薰宮南史孔珪傳珪不樂世

務居宅盛營山水憑松聲韻野絃底虛聞松聲荀仲舉

詩况復歸風便松聲入斷絃陸瑜琴賦吟高松子落春

影飄垂葉外

梁簡文帝詩花枝風上轉葉影樹中移庾信詩霜風亂飄葉阮籍詩芳樹隨綠葉何

遜七名河柳垂葉山榴發英

香度落花前

梁簡文帝梅花賦漂半落而飛空香隨風而遠度江

總詩落花懸度影薛道衡詩人歸落雁後思發在花前

興洽林塘晚

梁昭明太子啓尋五柳之

先生琴尊雅興文心雕龍殷仲文之孤興謝叔源之閒情北史段韶傳韶舉止風流招致名士良辰美景未嘗

虛棄賦詩奏伎以盡歡洽東臯子傳賞洽興窮還歸何處劉孝綽詩林塘多秋色江總詩鳳蓋繞林塘虞世南

詩芬芳重巖起夕烟

棗據詩重巖吐神溜張正見詩重禁林晚重巖起夕烟巖標虎踞王融詩高樹升夕烟唐

太宗詩陰陽深淺
葉曉夕重輕烟

遊三覺寺

香閣披青磴

謝偃踏歌詞逶迤度香閣庾信詩尚聞香閣梵猶聽竹林鐘謝朓詩青磴崛起丹樓

間出 琬臺控紫岑

禮樂志遊閭闔觀玉臺七命陵黃岑挂青巖楚辭層臺累榭臨高山此 葉

齊山路狹

梁簡文帝晚春詩紫蘭葉初滿賀循詩密葉由來好作帷庾肩吾詩山路泣薜蘿庾信詩

低橋澗邊渡

花積野壇深

謝朓詩花枝聚如雪王融詩嘉樹紛如積張正見詩草發

飛蒼玉邊

蘿幌棲禪影

王勣遊北山賦結蘿幌而迎宵敬茅軒而待曙魏書釋老志今

此僧徒戀著城邑豈湫隘自經行所宜浮誼必棲禪之宅水經注所謂脩脩釋子眇眇禪棲者也陶潛詩偶影

獨遊松門聽梵音

陶隱居尋山志遂乃凌巖峭至松門謝惠連詩牽葉入松門梁元帝歸來寺碑

梵聲依于應塔

遽欣陪妙躅

沈約詩比跡共遊陪

延賞滌煩襟

水經注吹畦風馨觸

岫延賞江淹詩懷賞入舊襟雲笈七籤燦爛開繁襟

蘇味道

趙州樂城人與里人李嶠俱以文翰顯時人謂之蘇李弱冠擢進士累轉咸陽尉裴

行儉引管書記延載中歷鳳閣舍人檢校侍郎證聖元年出為集州刺史聖歷初同鳳閣鸞臺三品前後居相位數載多識臺閣故事神龍時貶眉州刺史還為益州長史

春日應制

溫液吐涓涓

東京賦溫液湯泉黑丹石溜陸機詩層雲無溫液嚴霜有凝威越王貞溫泉詩坎德

疏溫液山隈派煖流稽康琴賦蒸靈液以布雲據神淵
而吐溜傳休奕奕堪賦繁實離離含甘吐液家語涓涓
不止將成江湖孔融詩涓涓江漢流潘岳射雉賦泉涓
涓而吐溜庾信徵調曲纖纖不絕林薄成涓涓不止江
河跳波急應絃

張華詩浮醪隨觴轉素蟻自跳波劉峻
金華山棲志清澗微注滴瀝生響白波

跳沫涵涌成音謝靈運詩急弦動飛聽清歌拂
梁塵陸機文賦譬偏絃之獨張含清唱而靡應

簪裾承

睿賞

南史張充與王儉書曰茂陵之彥望冠蓋而長懷
渭川之氓佇簪裾而永嘆劉孝綽詩圓淵倒荷芰

方鏡寫簪裾庾信詩星橋擁冠蓋錦水照簪裾魏收晦
日泛舟應詔詩睿賞芳月色宴言忘日暮庾肩吾奉和

泛舟漢水詩陪歌承睿賞接醴待恩筵
劉端和詩睿賞叶春芳開筵臨畫堂

花柳發韶年

王容

詩入花花不見穿柳柳陰碎庾信賦落花與芝蓋同飛
楊柳共春旗一色表裏詩澗水含初溜山花發早叢梁

簡文帝詩桃含可憐紫柳發斷腸青
王融歌韶年春已仲明星夜未央

聖酒千鍾洽

曹植樂府

御酒停未飲貴戚跪東廂李嵩詩天厨千品降御酒百
壺傾劉孝威樂府御酒屬車中孔融難魏武帝禁酒書

堯非千鍾無以建太平孔非百觚無以堪上聖孔叢子
昔有遺謬堯舜千鍾孔子百觚子路嗑嗑尚飲十榼庾

肩吾曲水宴詩百戲俱臨水千宸章七曜懸穀梁傳七
鍾共逐流鮑照詩醴洽深恩遍曜為之盈

縮注日月五星李尤漏刻銘仰鑿七曜俯順坤德陸雲
泰伯碑文膺慶二儀協靈七曜易懸象著明莫大乎日

月微臣從此醉

梁簡文帝詩微臣夙多幸後漢書班固傳皇

歡浹羣還是夢鈞天

史記趙世家趙簡子寤曰我之帝

臣醉奏萬舞張衡西京賦昔者大帝說秦穆公而觀之以鈞
天廣樂吳都賦羅金石與絲竹若鈞天之下陳庾信詩

成文興大雅
出豫奏鈞天

喬知之

同州馮翊人與弟侃備並以文詞知名知之尤稱俊才則天時累除右補闕遷左司

郎中為武
承嗣所害

侍宴應制

紫禁肅晴氛

謝莊文掩映瑤光收華紫禁左傳春王二月乙丑日南至梓慎望氛注氛氣也鮑照

詩日氛映山浦江
淹詩重陽集清氛

朱樓落曉雲

馮衍顯志賦伏朱樓而四望于採三秀之華英

謝朓詩逶迤帶綠水迢遞起朱樓范雲詩桂水澄夜氣
桂山清曉雲薛道衡詩洞開朝霧斂石濕曉雲濃

豫遊龍駕轉

梁簡文帝詩豫遊戲馬館教戰昆明池劉孝綽詩豫遊光夏諺楚辭龍駕于帝服翔

翔子周章沈約文陪龍駕於伊洛侍天樂鳳簫聞史記趙世

家簡子寤曰我之帝所甚樂與百神遊於鈞天廣樂九奏萬舞不類三代之樂其聲動人心梁武帝詩繚繞聞

天樂徐景安樂詩舜樂謂簫韶九成鳳皇來儀故制鳳簫洞簫以彰德也梁簡文帝箏賦江南之竹美玉有鳴

鳳之簫焉竹外仙亭出謝朓治新居北窓詩池北樹如浮竹外山猶映劉峻山居志寺觀之前皆

植修竹檀欒蕭瑟被陵綠花間輦路分徐悱妻劉氏詩鳴鸛葉中舞戲

阜竹外則有良田區軫蝶花間驚班固西都賦輦路經營脩除飛閣顏延之詩陟降騰輦路尋雲抗瑤臺南史裴子野傳蘭陵蕭琛言

其評論可與過秦王命分路微臣一何幸褚淵詩微臣

揚鑣朱异詩耿耿樵路分風多幸薄宦

奉明詞賦奉明君漢書枚乘傳以病去官復遊梁梁客皆善詞賦乘尤高魏文帝書仲宣獨善

時

詞賦左思詩詞賦擬相如京氏易
傳坤陰凝感與乾相納臣奉君也

杜審言

都尉山臺

漢書百官公卿表護軍都尉秦官奉
車都尉掌御乘輿車駙馬都尉掌駙

馬唐書百官志奉車都尉駙馬都尉皆無
定員皆從五品下按山臺品彙本作山亭

紫藤紫葛藟

南方草木狀紫藤莖如竹根重重有皮可
用以降神本草拾遺紫藤一名招豆藤其

子熬香著酒中令酒不敗虞炎詩紫藤拂花樹黃鳥度
青枝詩南有樛木葛藟紫之疏藟與葛異亦葛之類也
陸璣詩疏藟一名巨茨似燕萁延蔓生葉似艾白色其
子亦可食左傳葛藟猶能庇其本根故君子以為比阮
籍詠懷詩葛藟延綠刺罍薔薇本草薔薇一名牛勒一
幽谷綿綿瓜瓞生

薔薇種類不一有大紅粉紅黃白四色花大如錢又一
種名野薔薇其花甚香柳惲詩當戶種薔薇枝葉太蕤
蕤

下釣看魚躍

夏侯湛抵疑子不嫌僕德之不劬而疑其位之不到是猶反鏡而索照登木而

下釣僕未以此為不肖也王績詩東川聊下釣南畝試
揮鋤詩王在靈沼於物魚躍列子瓠巴鼓琴而鳥舞魚

躍張衡賦翺鳥舉而魚躍將往走乎八荒

探巢畏鳥飛

易林探巢得雛鳩鵲俱來使我心娛拾遺

記武王伐紂樵夫牧豎探高鳥之巢得玉璽文曰水德
將滅木祚方盛世說王平子出為荊州王太尉及時賢

送者傾路時庭中有大樹上有鵲巢平子脫衣巾徑上
樹取鵲子神色自若傍若無人詩有鳥高飛亦傳于天

史記老子傳鳥吾知其能飛魚吾知其能游獸吾知其
能走劉向九嘆三鳥飛以自南子覽其志而欲北

疎荷已晚

北史何妥傳八歲時遊國子學助教顧良戲之曰子姓是荷葉之荷為河水之河妥應聲

曰先生是眷顧之顧為新故之故沈君道詩水落金沙淺雲高玉葉疏爾雅荷芙蕖其莖茄其葉葢其本密其

華莖蒨其寔蓮其根藕其中的的中枝亞果新肥通風俗

薏謝朓詩夏木轉成帷秋荷望如蓋枝布葉霍然而大魏文帝詩卑枝拂羽蓋庾信詩春杯猶雜泛細果尚連枝北史蘇瓊傳郡人趙穎得新瓜一

雙自來奉穎置于聽事梁上竟不割人聞受趙勝迹都穎瓜欲貢新果入門知穎瓜猶在相顧而去

無限王羲之蘭亭序俯仰之間已為陳迹王同詩美景多勝迹南史王裕之傳子恢之被召為秘書郎敬

弘求為奉朝請與恢之書曰秘書有限故有競朝請無限故無競梁武帝詩連山去無限長洲望不極只

應伴月歸陶潛田居詩晨興理荒穢帶月荷鋤歸晉書袁宏傳謝尚鎮牛渚秋夜乘月率爾與左右

微服泛江

劉長卿

集梁耿開元寺所居院

一統志開元寺在陝西西安府府城內唐建

到君幽卧處

陳子昂詩謝病南山下幽卧不知春又寂寥守窮巷幽獨卧空林

為我掃

莓苔

後漢書陳蕃傳蕃嘗閒處一室而庭宇蕪穢薛勤候之曰何不洒掃以待賓客古今注空室無人行

則生苔蘇孫綽遊天台山賦踐莓苔之滑花雨無時落

石宋書王微棲遲於環堵之室苔草沒堦

庾信詩花雨積成臺王褒靈壇銘序香雨乘空天花入室梁簡文帝書法水晨流天花夜落五燈會元須菩提

尊者在巖中宴坐松風終日來
南史陶弘景特愛松風諸天雨花讚歎
庭院皆植松每聞其響
欣然為樂謝朓風賦入山戶而松涼斯則幽人之風也
謝靈運銘雲往拂山風來過松莊子飄風不終朝驟雨

不終日

路經深竹過

洛陽伽藍記永明寺房廡庭列脩竹
簷拂高松謝靈運詩連巖竟路塞密

竹使徑迷江總山亭銘竹深蓋雨石暗
迎薰謝瞻詩逍遙越郊肆願言屢經過

門向遠山開

蜀都

賦開高軒以臨山謝靈運詩羣木既羅戶衆山亦對
窓梁簡文帝詩泉溜遠山鳴江洪詩遠山清無雲

豈

得長高枕

晉書謝安傳高卧東山人言安石不出將如
蒼生何論衡高枕幄卧以俟其時謝朓詩高

枕東窓下 中朝正用才

三禮義宗天子諸侯皆有三朝一曰
外朝二曰中朝三曰內朝中朝之名

或內或外人君旦夕親政見卿大夫之朝也所謂辨色
而入者在此朝也玉海唐宣政殿在周為中朝凡試策
舉人在此左傳維楚有才晉寔用之
陶潛詩巖巖顯朝市帝者慎用才

沈佺期

嶽館

詩崧高維嶽駿極于天爾雅嵩高為中嶽禹所名也白虎通德論中央之嶽居四方

之中而高故曰嵩高嵩山志唐則天后號為神嶽又崇福宮在萬歲峯前唐之太乙觀也

其下有亭館焉

洞壑仙人館

世說嵩山北有大穴有人墜入行十許日忽曠然見明草屋中有人對奕下有一杯

自飲墜者乞嘗之氣力十倍出告張華華曰此仙館所飲者玉漿也名山記天下三十六洞天第六為嵩山司真洞天後漢書班固傳超洞壑越峻崖江賦域之以盤巖豁之以洞壑曹植遠遊篇仙人翔其隅西都賦實列仙之攸館非吾人之所寧庾信溫湯孤峯玉女臺志玉碑嵩嶽二仙之館不孤擅於天池

柱峯在嵩陽書院後下有三醉石又老翁玉人玉女金匱積翠太白六峯又石淙出玉女臺下平樂澗嵩高山

記山北有玉女三臺漢武於此見三仙女故名魯靈光
殿賦玉女窺窓而下視陳子昂送人還中嶽序去囂世

走青雲登玉女之
峯窺石久之廟

空濛朝氣合

謝朓詩我來自東零雨其濛
謝朓詩空濛如薄霧嵩

山志雞鳴峯在東北五更之初便見日出李嶠詩金竈
浮烟朝漠漠沈約詩溶溶晨霧合漢書律歷志至治之

世天地之氣
合以生風

窈窕夕陽開

曹植飛龍篇晨遊泰山雲霧
窈窕宋之問嵩山天門歌紛

窈窕子巖倚披以鵬翅洞膠葛子峯接層以龍鱗
又晚陰子足風夕陽子艷紅楊炯詩仙都日月開荒澗

含輕雨

唐則天后遊石淙詩序平樂澗近接嵩嶺俯屆
箕峰詩千尋幽澗浴雲衣狄仁傑詩飛泉灑液

恒疑雨薛曜詩風吹細雨即
虹泉鮑照園葵賦飛雨輕灑

虛巖應薄雷

王勃詩複嶂
迷晴色虛巖

辨暗流則天后詩萬仞高巖藏日色崔融詩洞口仙巖
類削成傳燈錄呼山山應淮南子陰陽相薄感而為雷

園葵賦沉雷遠震

正逢鸞與鶴

薛道衡詩普天逢盛日說文鸞赤神靈之精也赤色五采鷄形

鳴中五音頌聲作則至相鶴經鶴陽鳥也而遊於陰蓋羽族之宗長仙人之騏驥也杜子春傳登華山見一居

處室屋嚴潔綵雲遙覆鸞鶴飛翔其上江淹香爐峯詩此山具鸞鶴狄仁傑石淙詩羽伏遙臨鸞鶴駕歌

舞出天來

詩式歌且舞樂府古辭歌舞自相逐神仙傳王方平降蔡經家一時金鼓簫管之聲皆從

天而下李嶠詩天子春遊動地來

宋之問

扈從登封途中作

史記司馬相如傳扈從橫行出乎四校之中元和郡縣志

登封縣本漢嵩高縣武帝元封元年置後省入陽城高宗將有事于中岳分陽城緱氏置

嵩城縣則天因封岳改為登封一統志
登封縣在河南府城東一百四十里

帳殿鬱崔嵬

庾肩吾詩帳殿掩芳洲庾信馬射賦帷宮宿設帳殿開筵舊唐書禮儀志御帳殿受

朝賀蓋行幸時幄幕為殿也說文崔嵬高不平也

仙遊

實壯哉

顏延之詩善遊皆聖仙蕭慤詩仙遊本多趣陰鏗詩新宮實壯哉文中子登雲中之城望龍門

之闕曰壯哉

曉雲連幕捲

范雲詩楚山清曉雲薛道衡詩石濕曉雲濃說文幕幔也

顧野王詩窓

夜火雜星迴

淮南子晝則多旌夜則多火江總詩金燈夜火百花開禮

記星迴于天潘岳賦

谷暗千旗出

陳後主詩谷暗宵征響風高夜笛喧戰國

策楚王遊於雲夢結

山鳴萬乘來

史記封禪書天子東幸緱氏禮登中岳太

駟千騎旌旗蔽日

室從官在山下聞若有言萬歲云封禪儀事畢皇帝再拜羣臣稱萬歲音動山谷陸雲文裔皇聖之豐祐膺萬乘之多福謝靈運撰征扈從良可賦揚雄羽獵賦序孝賦雲檣千艘靈輜萬乘以為非堯舜成湯文王三驅之意故因校獵賦以風之漢書揚雄傳雄從至射熊館還上長楊賦又藝文志登高能賦可終乏挾天才陸機演連珠髦俊之才世所希以為大夫左思蜀都賦幽思綯道德藻挾天庭庾肩吾詩陳思挾天才庾信詩逢君挾才

扈從登封告成頌

唐書武后紀垂拱四年改嵩山為神岳萬歲通天元年臘

月甲戌如神岳甲申封于神岳改元曰萬歲登封十月乙亥禪于少室

複道開行殿

史記秦始皇紀始皇令咸陽之旁二百里內宮觀二百七十複道相連又自雍門以

東至涇渭殿屋複道周閣相屬又叔孫通傳注複道閣道也說苑秦始皇作前殿阿房宮為複道自阿房度渭

水屬咸陽元和志漢之複道不止長樂有之未央之北有桂宮北宮明光之屬各皆有宮而長相往來者皆有

複道也庾信華林園馬射賦止立行宮裁舒帳殿

鈞陳列禁兵

晉書天文志北極五星鈞陳六

星皆在禁宮中鈞陳後宮也星經鈞陳六星在五帝下主天子六軍將軍又主三公庾肩吾詩鈞陳萬騎轉閭

闔九闔通庾信華林園馬射賦玉衡正而泰階平閭闔開而鈞陳轉唐書百官志右羽林軍大將軍掌統北牙

禁兵王筠詩閭道趨和風吹鼓角

陸機樂府和風飛清响鮮雲垂薄陰又和

文昌禁兵連武庫風未及暖遺涼清且凜後漢書鼓角鳴于地中水經注聞鼓角鞞鐸之聲

佳氣動旗旌

後漢書光

武帝紀望氣者蘇伯阿為王莽使至南陽遙望見春陵郭喏曰氣佳哉鬱鬱葱葱然釋名旌精也言有精光也

旗期也言與衆期于下也廣雅天子之旌高九仞禮合文嘉天子之旗九仞十二旒曳地易林干旌旗旌執幟在郊家語旌旗後騎迴天苑湖陰察王敷營壘敷使五

騎物色追帝帝見逞旅賣食嫗以七寶鞭與之曰後有騎來可以此示也王粲英雄記郭汜呂布獨共對戰布以矛刺中汜汜後騎遂前救汜史記天官書句曲九星三處羅一日天旗二曰天苑三曰九旒唐書百官志尚承局掌內外閑廐之馬左右六閑亦曰天苑庾信華林園馬射賦皇帝翊四校于仙園迴六龍于天苑前

山入御營

庾肩吾詩前山黃葉起說文營西而居也又軍壘曰營唐書兵制志貞元初太宗擇善射

者百人為二番于北門長上曰百騎以從田獵又置北衙七營選材力驍壯月以一營番上十二年始置左右屯營于元武門領以萬方俱下拜宋書樂志時齊七政諸衛將軍號飛騎

上覩萬方之歡娛左傳王使宰孔賜齊侯胙齊侯將下拜孔曰天子以伯舅耄老加勞賜一級無下拜後漢書陳元傳留思聖藝眷顧儒雅採孔相與樂昇平史詩相子下拜之義卒淵聖獨見之旨

與觀所尚庾信商調曲有剛有斷四方可以寧既頌既雅天下乃升平王融詩周雅聽休明齊德觀昇平

崧山嶺應制

漢書武帝元封二年幸中嶽嶺獲駁鹿翼日登嵩高吏卒咸聞呼萬

歲者
三

翼翼高旌轉

禮記車馬之美匪翼翼楚辭鳳皇翼其承旂于高翱翔之翼翼陸雲九愍飛芝蓋

之翼翼周禮春官司常全羽為旒析羽為旌注全羽析羽皆五采繫之於旒旌之上所為注旌於干首也爾雅注旌首曰旌旂同鮑照詩乘墉揮寶劍蔽日隱高旂梁簡文帝詩丹旌風轉碧幔雲移蕭慤詩游騎騰文馬前

驅轉鏘鏘鳳輦飛

詩四牡彭彭八鸞鏘鏘左傳鳳皇于飛其鳴鏘鏘楚辭前輕鯨之鏘鏘子

後輜乘之從從秦嘉詩肅肅僕夫征鏘鏘揚和鈴唐書天子輦七一曰大鳳輦舊唐書樂章車移鳳輦旆轉紅

旗仙傳拾遺西王母乘翠鳳之輦而來與穆王歡飲隋煬帝步虛詞翠霞乘鳳輦碧霧翼龍輿江淹賦侍青鑒

以雲得夾翠輦以霞飛

塵消清蹕路

淮南子雨師灑道風伯掃塵陸雲詩和風弭塵清暉映益

司馬相如大人賦煥然霧除霍然雲消晉書載記響清蹕于常道之門馳金車于山陽之館北史儒林傳帝服

衮冕乘碧輅陳文物備禮容清蹕而臨太學王褒詩衡街響清蹕偵候起相風沈約梁雅樂歌清蹕朝萬寓端

冕臨正陽月賦清蘭路肅桂苑

雲濕從臣衣

薛道衡詩洞開朝霧

飲石濕曉雲濃後漢書和帝十五年十一月甲申車駕還宮賜從臣及留者公卿以下錢布各有差西都賦第

從臣之嘉頌何遜詩雖憐冰上影復恐濕
羅衣張正見詩舟移停浦水舉棹濕春衣
白羽搖丹壑

儀禮鄉射禮君國中射則皮樹中以翹旌獲白羽與朱
羽糝注皮樹獸名家語赤羽如日白羽如月國語吳王

陳士卒為萬人以為方陣皆白羽白旂素甲白羽之矜
望之如茅注矜矢名以白羽為衛上林賦鸞翮弱滿白

羽孫綽太平山銘上千翠霞下
天營逼翠微晉書天文

十五星一曰紫微大帝之座也一曰天營爾雅山未及
上曰翠微疏謂未及頂上在旁陂陀之處名翠微一說

山氣青縹色故曰翠微也蜀都賦蔚蓋蓋以翠微岷
魏魏以峨峨孫綽太平山銘懸棟翠微飛宇雲際芳

聲耀千古詩文王有聲通駿有聲晉書樂志今我聖皇

志上元樂舞者舞之必成字十六變而畢有
聖超千古道泰百王皇帝萬年寶祚彌昌字
四海警宸

威書聲教訖于四海詩肇域彼四海庾信文威警建平
威之成溫子昇文居宸納祐就日垂衣書肅將天威荀
子發誠布令而敵退是主威也魏文帝述征賦仰
乾威之靈光張華詩戎車震翔野羣師贊皇威

張說

和登驪山

寰宇記驪山在昭應縣東二十里即藍田山也一統志驪山在臨潼縣東

南三里

寒山上半空

謝莊月賦騰吹寒山弭蓋秋坂謝朓詩蒼翠望寒山沈約詩寒山望積雪薛道衡詩

浮雲半空上

臨眺盡寰中

南史徐勉傳華樓迴觀頗有臨眺之美沈約詩即事既多

清吹隔池來

美臨眺殊復奇謝靈運逸民賦指寰中以爲期李百藥詩聲教盡寰中

是日巡遊處

李德林文

鸞駕巡遊留臺務廣虞
世南詩巡遊光帝典
晴光遠近同
唐太宗詩晴光脆
柳枝劉孝綽詩芳

洲直千里遠
近風光扇
川明分渭水
沈炯詩雲開萬里徹日麗百
川明書導渭自鳥鼠同穴水

經渭水出隴西首陽縣渭谷亭南鳥鼠山三輔黃圖渭
水貫都以象天漢唐太宗望終南山詩重巒俯渭水

樹暗辨新豐
江淹騷體臨星朏于樹閣看日爍于霞淺
西京雜記太上皇徙長安居深宮悽愴不

樂高祖乃作新豐移諸故人實之太上皇乃悅一統志
新豐城在臨潼縣東一十五里庾肩吾詩遙識新豐樹

巖壑清音暮
謝靈運詩巖壑寓耳目楊素詩巖壑澄清
景左思詩山水有清音王僧孺詩等嶰谷

之清音
天歌起大風
王勃碑文奏鳴鳳于天歌下清羣籟
史記高祖紀高祖酒酣自為歌曰大

風起于雲飛揚文中子大風安不忘危其霸心
之存乎周明帝詩奉杯延故老今聞歌大風

張九齡

從幸溫泉喜雪

按品彙本有奉和姚令公五字漢書文帝紀上幸甘泉注蔡邕

云天子車駕所至臣民以為僥倖故曰幸劉潛啓自碣宮陪宴釣臺從幸攀附鱗翼三十餘載晉書紀瞻傳有溫泉而無寒火唐書地理志京兆府昭應驪山有溫泉宮天寶六載更溫泉曰華清宮治湯井為池環山列宮室又築羅城置百司及十宅一統志陝西西安府驪山在臨潼縣東南二里山之麓溫泉所出唐明皇帝更名昭應

萬乘飛黃馬

漢書東方朔傳蘇秦張儀一當萬乘之主而都卿相之位澤及後世陸雲九愍喬皇

聖之豐祐膺萬乘之多福謝靈運撰征賦雲牆千艘雷輜萬乘淮南子黃帝治天下鳳皇翔于庭麒麟遊于郊

飛黃服阜注飛黃如狐背亦有角乘之壽三千歲郭璞贊飛黃奇駿乘之難老唐書兵志以尚乘掌天子之御

左右六閑飛黃吉良

千金狐白裘

史記孟嘗君傳秦昭王囚孟嘗君孟嘗君

使人抵昭王幸姬求解幸姬曰妾願得君狐白裘此時孟嘗君有一狐白裘直千金入秦獻之昭王更無他裘

坐有能為狗盜者曰臣能得狐白裘乃夜為狗行入秦宮藏中取所獻狐白裘以獻秦王幸姬管子代之出狐

白之皮狐白應陰陽之變六月而壹見禮記君衣狐白裘錦衣以裼之漢書匡衡傳長安令楊興說樂陵侯史

高曰富貴在身而列士不譽是有狐白之裘而反衣之也注師古曰狐白謂狐腋下之皮其毛純白為裘輕故

貴也正逢銀霰積

詩如彼雨雪先集維霰傳霰暴雪也箋將大雨雪始必微溫雪自上下遇溫氣

而搏謂之霰久而寒勝則大雪矣沈約賦巖陬于海岸冰多于霰積南史梁武帝紀帝蒞襄陽自冬積霰至是

開霽士如何玉京遊

靈樞金景內經下離塵境上界玉京枕中書玄都玉京七寶山週圍

卒咸悅

九萬里在大瑞色鋪馳道

謝惠連雪賦盈尺則呈瑞于豐年唐高宗詩玉庭浮瑞色

羅天之上

銀膀藻祥歲史記秦始皇紀二十七年治馳道漢書成帝紀不敢絕馳道注馳道天子所行道若今之中道也

謝朓詩飛薨夾馳花文拂綵旒

韓詩外傳凡草木花皆五出雪花獨六出漢郊

道垂楊蔭御溝

祀歌被華文厠霧縠曳阿錫佩珠玉按花古作華禮記天子玉藻十有二旒前後邃延注雜采曰藻天子以五

采藻為旒按綵古作采庾肩吾詩三子俱來入高還聞

軒映綵旒宋之問詩空樂繁行漏香烟薄綵旒

吉甫誦

詩文武吉甫萬邦為憲傳吉甫尹吉甫也又吉甫作誦穆如清風

共郢歌儔

戰國策客有歌於郢中者始曰下里巴人國中屬而和者數千人為陽阿薤露和者數百

人為陽春白雪和者數十人引商刻羽雜以流徵和者不過數人而已張協詩不見郢中歌能否居然別

李义

春日侍宴芙蓉園應制

雍錄曲江隋鑿之為芙蓉池且為芙蓉園

水殿臨丹籞

柳惲詩天淵臨水殿庾信詩荷香薰水殿沈約三日侍宴詩帳殿臨春籞說文籞禁

苑也漢書注籞者折竹以繩連綿禁籞使人不得往來

山樓遶翠微

庾信銘氷谷銀砂山樓石

柱沈約樂府鶴樓峻連翠微左思蜀都賦鬱蓋蓋以翠微

昔遊人託乘

魏文帝與吳質書追思昔

游猶在心目陸機詩疇昔之遊好合纏綿楚辭質菲薄而無因于焉託乘而上浮魏文帝與吳質書從者鳴笳以啓路文學託乘于後車

今幸帝垂衣

易黃帝堯舜垂衣而天下治摯

盧思道詩應徐託後乘

虞黃帝贊垂衣而治萬國乂安

澗篠緣峯合

廣韻篠細竹也江總詩澗漬長低篠江迤竹賦緣崇

嶺帶迴川梁簡文帝詩前時篠生今欲合盧思道詩極野羣峯合

巖花逗浦飛

何遜詩巖樹落

高花陳子良詩巖花映綬開劉孝綽詩落花浮浦出梁簡文帝詩逗浦憶辰陽張正見詩花飛高樹風

朝

來江曲地

晉書王徽之傳西山朝來致有爽氣水經注謝玄于江曲起樓森聳可愛王勃賦繞江曲

之寒沙無處不光輝

沈炯詩名都一何綺春日吐光輝

楊庶

爵里無考

奉和九月九日登慈恩寺浮圖應制

西京雜記漢武帝宮

人賈佩蘭九月九日佩茱萸食蓬餌飲菊花酒云令人長壽蓋相傳自古莫知其由景龍

文館記九月九日中宗幸慈恩寺登浮圖羣臣獻菊花酒稱壽張禮遊城南注慈恩寺本

隋無漏寺貞觀二十一年高宗在春宮為文德皇后立為慈恩寺永徽三年沙門三藏法

師起塔長安中摧倒天后及王公施錢重加營造雍錄慈恩寺西院塔崇三百尺

萬乘臨真境

張衡南都賦總萬乘于徘徊陸雲文裔皇聖之豐祐膺萬乘之多福謝靈運撰征賦

雲檣千艘雷車萬乘梁昭明太子解二諦義此智未真而習觀真境豈得以智未真智而使境非真境雲笈七籤服靈寶神丹後自然神靈骨輕身有光明足蹈真境而為上仙也重陽眺遠空齊民月令重陽

日必以糕酒登高眺迥以暢秋志庾肩吾侍宴九日詩獻壽重陽節迴鑾上苑中桓子新論及其乘風蹈岑而聲徹眺遠者其勢通也梁簡文慈雲浮雁塔梁簡文帝帝詩可憐數行雁點點遠空排慈雲浮雁塔大法頌慈

雲吐澤法雨垂涼白帖如來慈心如彼大雲蔭注世界
西域記昔有比丘見羣雁飛翔乃曰可充我食一雁即
墮地佛曰此雁王也不可食因立雁塔梁簡文帝愛敬
寺銘仙衣梵帶去雁塔而來遊陸倕天光寺碑龍城愧
飾雁塔慙珍日宇定水映龍宮楞嚴經月光童子修習
奪暉月宮掩麗

水觀初成此觀有弟子

闌窓觀室唯見清水後出定身質如初謝朓詩舊埽新
塍分青苗白水映庾肩吾春日詩水映寄生竹梁元帝

善覺寺碑花疑鳳翼巖若龍宮寶鐸含颺響梁昭明太
江總鐘銘朝驚驚嶺夜動龍宮

子講席詩

寶鐸旦叅差名香晚芬郁簡文帝同泰寺浮圖詩銀燭
踰汝漢寶鐸邁昆吾洛陽伽藍記永寧寺繡柱金鋪駭
人心目高風永夜寶鐸和鳴鏗鏘之聲聞十餘里陸機
演連珠賁鼓密而含響朗笛踈而吐音陶潛閒情賦願
在竹而為扇含淒颼於柔幄何遜七仙輪帶日紅江總
名竹距石以袞通水韻松而含響

詩徐

輪動仙駕唐太宗賦秋日懸清光詩仙馭隨輪轉列子
日初出大如車輪沈約詩紅輪映早寒唐太宗詩紅輪
不暫天文將瑞色易觀乎天文以察時變觀乎人文以
化成天下潘岳閒居賦窺天文之秘

與究人事之終始唐高宗詩輝煥滿寰中陳書蔡景歷
傳雕麗輝煥

玉庭浮瑞色銀牒藻祥徽玉庭浮瑞色銀牒藻祥徽
中審國音於寰中梁元帝長沙寺碑咸秩社首義盡於寰

李恒進士第官
安陽令

奉和九月九日聖製登慈恩寺浮圖應制風土記
九月九

日律中無射而數九俗尚折茱萸房以挿頭
辟除惡氣續齊諧記費長房謂桓景曰九月

九日汝家當有災宜作絳囊繫臂登高飲菊花酒此禍可除

寶地臨丹掖

王融出家順善篇頌澡身浴德晦迹埋名將安寶地誰留化城王僧孺為南平王讓

儀同表神夢紫霄心飛丹掖

香臺瞰碧雲

拾遺記宋景公燒異香于臺上有野人請見語未來

之兆已往之事萬不失一又石虎春雜寶異香為屑使數百人于樓上吹散之名曰芳塵臺盧照鄰遊昌化山

精舍詩寶地乘岑出香臺接漢高江淹詩日暮碧雲合

闕河天外出

陶潛詩闕河不可踰謝朓

詩旌節去闕河宋玉賦長劍耿耿倚天外阮籍大人先生傳霓旌飄子雲旂靄樂游子出天外張正見度闕山

天外落城闕樹中分

陸機詩名都一何綺城闕鬱盤桓顏延之詩城闕生雲烟梁簡文帝

詩葉影樹中移

睿藻蘭英秀

王褒詩徒知仰睿藻抽辭殊未申虞茂詩睿藻冠風騷漢武帝秋風

詞蘭有秀子菊有芳魏文帝秋胡行俯折蘭英
仙杯菊
仰結桂枝陸機詩幽蘭盈道合長秀被高岑

藍薰

庾信蒙賜酒詩仙人一遇飲分得兩三杯西京雜記九月九日飲菊花酒令人長壽庾信詩餘菊尚

浮杯盧湛菊花賦黃蕊星羅謝願將今日樂曹植詩今靈運山居賦花分薰而媚秀

門異鄉詩王在長奉聖明君晉書樂志進願輔聖君宋在鎬豈樂飲酒書樂志六合寧承聖明何

承天詩願我聖明君遐期保萬春

宗楚客

奉和人日清暉閣宴羣臣遇雪應制

景龍三年
雍錄閣

本大明宮圖清暉閣
在太液池上東北邊

窈窕神仙閣

張衡西京賦羣窈窕之華麗嗟內顧之所觀王延壽靈光殿賦旋室嬋娟以窈窕注

窈窕深也史記封禪書公孫卿曰陛下可為觀如緹城置脯棗神人宜可致也且仙人好樓居於是令長安作

蜚廉桂觀甘泉作益延壽觀曹植辨道論觀神仙於瀛洲求安期于邊海洞冥記元鼎元年起招仙閣于甘泉

宮閣上燒荃蘼香屑止用栗許其香氣三月 參差雲漢

不絕宋孝武帝詩逢臯列神苑遭壇樹仙閣

間 揚雄甘泉賦增宮參差注參與參同唐太宗詩參差麗雙闕照耀滿重閣詩俾彼雲漢為章于天䟽天漢

起于東方經箕尾之間史記天官書紫宮後六星絕漢抵營室曰閣道潘岳西征賦擢仙掌以承露干雲漢而

上九重中禁啓 楚辭君之門以九重注天子有九門謂闕門遠郊門近郊門城門皋門雉門應

門庫門路門也庾信詩自布南風曲還來吹九重後漢書宦者傳論閣者守中門之禁徐陵書中朝大議曾未

矜論清禁嘉謨安能相及李尤東觀銘升降三除貫啓
七門梁簡文帝書桂宮既啓復垂雙闕之宴沈約詩閭
闔既洞啓龍
樓亦高闕
七日早春還
薛道衡詩入春纔七日離家已二年梁簡文帝詩梅花特

早偏能識春謝燮早梅詩迎春故早
獨自不疑寒梁元帝詩春還春節美
太液天為水
史記

封禪書建章宮北治大池漸臺高二十餘丈命曰太液
池中有蓬萊方丈瀛洲壺梁象海中神山漢書郊祀志

北治大池漸臺高二十餘丈名曰泰液東都賦太液昆
明鳥獸之圓顏延之曲水詩序苑太液懷層山劉孝威

詩紫川通太液丹岑連少華易坎為水晉書天文志天
在地外水在天外水浮天而載地者也梁元帝臨秋賦

雲出山而相似蓬萊雪作山
唐會要貞觀間營永安宮後改為蓬萊宮咸亨初改

蓬萊宮為含元殿又改大明宮北據高原南望興壇每
天晴日朗望終南如指掌京城坊市階陌俯視如在檻

內唐書地理志龍朔後帝嘗居大明宮乃謂之西內高
宗厭西內湫濕龍朔三年始大興葺曰蓬萊宮後漢書
班超傳西域有白山通歲有雪亦名雪山謝今朝上林
莊雪賦眄隰則萬頃同縞瞻山則千巖俱白今朝上林
樹詩繫之維之以永今朝梁簡文帝三月三日詩握蘭
惟是旦採艾亦今朝庾信詩今朝得夢蘭漢書東方
朔傳建元三年起上林苑西京雜記初脩上林苑羣臣
遠方各獻名果異卉三千餘種植其中亦有制為美名
以標奇麗也吳均詩鷄鳴上林苑薄暮小平津全唐詩
話李義府八歲舉神童文皇在上林有捕得鳥者義府
進詩曰上林如許樹不借一
枝棲上曰今以全樹借汝
無處不堪攀
惟至熟有必不堪者七甚不堪者五陶弘景詩只可自
怡悅不堪持贈君庾信枯樹賦樹猶如此人何以堪謝
靈運嶺表賦蘿蔓絕攀苔衣流滑
東坡詩徙倚憑高山仰攀桂樹柯
源絕交書自

韋述

京兆人家有書二千卷兒時記覽皆編綴文操牘便就舉進士時甚少儀形眇小考功郎

宋之問曰韋學士童年有何事業對曰性好著書之問曰本求異才果得遷固開元中詔馬懷素編次圖書奏用述等二十六人同於秘閣詳錄四部書五年而成述好譜學又於柳冲姓族系錄外撰開元譜二十卷張說引為集賢院直學士累遷尚書工部侍郎在書府四十年居史職二十年勒成國史事簡記詳蕭穎士以為譙周陳壽之流

春日山莊

謝朓詩解佩拂山莊梁昭明太子詩命駕出山莊廣韻莊莊田

初歲開部月

夏小正初歲祭耒始用暢也曹植詩初歲元祚吉日惟良謝靈運詩開春獻初歲白

日出悠悠梁元帝纂要孟春曰初歲又春景曰韶景

田家喜載陽

應璩詩田家無所有酌醴焚枯

魚盧照鄰詩田家自有樂誰肯謝香溪詩晚晴搖水態

春日載陽梁武帝賦獻歲發暉春日載陽晚晴搖水態

何遜詩振衣喜初霽寒裳對晚晴司馬相如上林遲景

賦隨風澹淡與波搖蕩又八川分流相背而異態遲景

蕩山光詩春日遲遲謝惠連三月三日詩遲遲和景婉

詩山光浮水至浦淨漁舟遠駱賓王詩水淨望如空劉

春色犯寒來孝威詩漁舟繞落花王勃

滕王閣序漁舟唱晚響窮彭蠡之花飛樵路香庾成師

濱唐太宗詩深悲黃鶴孤舟遠詩憶別

春花飛庾信馬射賦序落花與芝蓋同飛沈約詩安仁

採樵路徐陵啓拾金樵路高士所羞晉白紵舞歌陽春

白日風花香李百藥賦花飄香自然成野趣淮南子因

予動笑虞世南詩吹花送遠香天地之自

然謝道韞詩非工復非匠雲構發自然陶潛歸去來辭

園日涉以成趣武三思石淙山詩對酒鳴琴追野趣

都使俗情忘

曹植七啓肥遯離俗澄神
定靈陶潛詩林園無俗情

孫逖

上陽水牕賜宴

按品彙本作奉和四月三日上陽水牕賜宴應制唐書地理志

東都上陽宮在禁苑之東東接皇城之西南隅上元中置高宗常居以聽政翰林盛事開元中張說等十八人為學士于東都上陽宮含象亭圖形寫御贊述之釋名牕聰也于內外見之聰明也黃韻在牆曰牕在屋曰窓韓詩外傳晉平公使范昭觀齊國之政景公錫之宴北史韋師傳上召師與左僕射高類上柱國韓擒虎等於卧內賜宴令各叙舊事以為笑樂李諧述身賦或林嬉于月夜或水宴于景斜

今日逢新夏

荀子欲蘄千載則審今日古詩今日良宴
會歡樂難具陳陶潛詩今日天氣佳魏文

帝槐賦俾暮春之既替即首夏之初
期支遁詩三春迭云謝首夏含朱明
歡遊續舊句與弟

書間者北遊喜歡無量陶潛桃花源詩童孺縱行歌
斑白歡遊詣魏明帝詩遊弗淹旬遂屆揚土廣韻十日曰

旬氣和先作雨

禮記奮至德之光動四氣之和以著萬
物之理論衡瑞應之出殆無種類因善

而起氣和而生晉書律歷志春氣和則角聲調後漢書
費長房傳東海大旱長房至海上見其人請雨乃曰東
海君有罪吾前繫于葛陂今方
出之使作雨也於是雨立注
恩厚別成春
新書仁義
恩厚人主

之芒刃也權勢法制人主之斤斧也後漢書劉虞傳虞
以恩厚得眾懷被北州春秋繁露明王正喜以當春正
怒以當秋班固答賓戲其君天下也炎
之如日威之如神函之如海養之如春
鳳管臨清洛
仙列

傳王子喬好吹笙作鳳鳴遊伊洛間浮丘公接引上嵩
山謝朓七夕賦回龍駕之容裔亂鳳管之淒鏘孔珪圭
表掘金龍吹鬱其前鳴笳風管疊其後梁元帝啓殷殿
初基拾龍淵之寶虞祠始構馭風管之玉潘岳藉田賦
清洛濁渠引派激水劉孝綽昭明太子集序宴遊西園
祖道清洛書伊洛瀍澗傳伊出陸渾洛出上洛一統志
河南河南府洛水源出陝西洛南縣冢嶺山東
流經盧氏永寧宜陽洛陽偃師鞏縣入於河
龍輿下

紫宸

阮籍詩良馬騁龍輿隋煬帝詩翠霞乘鳳輦碧霧

使于紫宸殿唐會要龍朔三年四月始御紫宸殿聽政
百僚奉賀雍錄含光之北為宣政宣政之北為紫宸

此中歌在藻

陶潛桃花源記此中人語云不足為外人

在在藻有頌其首王在在鎬豈樂飲酒箋魚之依草猶
人之依明王也王融曲水詩序信凱燕之在讌知和樂

於食萍李嶠上禮食表不耻

還見躍潛鱗

詩王在靈沼於物魚躍又

潛雖伏矣亦孔之炤北齊明堂樂歌潛鱗躍翠連

宿雲門寺

杜甫歌若耶溪雲門寺吾獨胡為在泥滓青鞵布襪從此始一統志寺在

浙江紹興府雲門山晉王獻之居此嘗有五色彩雲詔建寺號雲門今名廣孝寺

香閣東山下

庾信詩尚聞香閣梵猶聽竹林鐘謝靈運詩逶迤度香閣宋之問詩綵仗紅旌繞香閣

一統志雲門山在府城南三十里吳均詩掛月青山下

烟花象外幽

洛陽伽藍記其中烟花霧

草或傾或倒沈約詩年芳被禁藥烟花繞層曲孫綽天台賦散以象外之說暢以無生之篇梁武帝文燦靈

義於象外江總詩情幽豈徇物志遠易驚羣宋之問詩離宮秘苑勝瀛洲別有仙人洞壑幽

懸燈千

嶂夕

江總燈贊寶燈夜開光遍花臺梁簡文帝詩窓斜
八綺燈懸百枝世說謝康樂尋山陟嶺必造幽峻

巖嶂千重莫不徧歷陳後主三善殿夕望山燈詩金岫
多風烟華燈此岫邊張纘賦水泓澄以閣夕山叅差而

韓旦廬照鄰詩捲幔五湖秋
通典諸葛亮屯于陽平卷
途遙日向夕幔開四門掃地却飲酒王

融詠慢詩月映不辭卷風來輒自輕顧野王詩窓開翠
幙卷周禮夏官職方氏揚州其浸五湖注具區五湖在

吳南張勃吳錄五湖者太湖之別名以其周行五百餘
里故曰五湖晉西洲曲採蓮南塘秋何遜詩蕭散烟霧

晚淒清江漢秋駱賓
王詩葉下洞庭秋
畫壁餘鴻雁
楚辭天問注屈原見
楚有先王之廟及公

卿祠堂圖畫天地山川神靈及古聖賢怪物行事因書
其壁呵而問之庾信詩龍來隨畫壁鳳起逐吹簫又寒

壁畫花開爾雅注列枿餘也疏遺餘也
法苑珠林散壞無遺餘詩鴻雁于飛
紗窓宿斗牛
庾信

蕩子賦紗窓獨掩羅帳長垂劉孝威詩紗窓相向開無
名氏詩深掩粧窓卧碧紗說文宿止也晉書天文志州
郡疆次斗牽牛織女吳越揚州又張華傳斗牛之間
常有紫氣庾信賦路已分於湘漢星猶看於斗牛更

疑天路近

西京賦要羨門乎天路曹植詩高高上無極
天路安可窮鮑照詩龍飛逸天路李嶠詩雲

霞天路近

夢與白雲遊

列子黃帝間居大庭之館而夢遊於
華胥氏之國南齊高逸傳褚伯玉居

瀑布山三十餘年王僧達為吳郡苦禮致之丘珍孫與
僧達書僧達荅曰褚先生從白雲遊舊矣近故要其來
此冀慰日夜張九齡詩翻疑夢
裏遊王昌齡詩西歸夢中遊

同邢判官尋龍湫觀歸湖中

唐書百官志節度使觀察使等皆有

判官
一人

星使下天京

後漢書李邵傳和帝分遣使者微行到並州投邵時夏夕露坐因仰觀問曰二君發

京師時寧知朝廷有二使耶二使曰不聞也邵指星示云有二使星向益州分野故知之耳晉書天文志流星

天使也星大者使大小者使小漢書周勃傳亞夫至灞上趙涉遮說曰將軍此去諸侯以為從天而下也詩有

命自天命此文王于周于京李雲湖喜書晴潯陽記晉白詩粲粲吳與史衣冠耀天京

隸於雲湖中為魚塞有人言晚當有大魚攻塞幸勿害之隸曰諾頃之大魚至羣魚從之拾遺記靈帝遊西園

歌曰千年萬歲喜難踰左傳敬仲曰更從探穴處史記臣一其畫梁簡文帝詩雲穿天半晴

南遊江淮上會稽探禹穴江總賦太史來而還作棹歌探穴宋之問詩禹穴今朝到耶溪此路通

行蕭放咏竹詩還作葛陂龍隋書地理志洞庭競渡之戲迅檝齊馳擢歌亂響陸機擢歌行名謳激清唱榜

人縱擢歌張正見詩欲

奏江南曲聊習擢歌行

絲管荷風入拾遺記帝奏招商

清絲流管歌玉鳧宋之間詩風泉度絲管駱

賓王詩衣麝入荷風謝朓詩風入芳帷散

清

南史雪霰交下簾帷皆白祖詠秋日聞百舌詩秋

天聞好鳥驚起出簾帷張說詩天香涵竹氣蘇頲詩

館將花雨映莫愁歸路遠

崔峒詩平子四愁今莫比陶

潭與竹聲清少林寺詩歸路烟霞晚揚雄河東賦既

水月夜虛明

江

詩寢處風雲憑樓水月唐太宗聖教序松風水月未足

比其清華南史蕭子顯傳自序曰登高目極臨水送歸

風動春朝月明秋夜有來斯應每不能已陶弘

景尋山志庭虛月映江總月詩水上動搖明

進船泛洛水書導洛自熊耳東北會于澗瀍山

海經洛水出洛西山東北注河入

成臯之西漢宮典職德陽殿周遊容萬人
自偃師去宮四十五里激洛水於殿下

禁園紆睿覽

班固西都賦西郊則有上園禁苑林麓藪澤庾信華林園馬射賦皇帝翊四校於仙

園迴六龍於天苑唐六典大明宮在禁苑之東南接宮城之東北隅韋安石詩睿覽八紘外天文七曜披仙

棹叶時遊

江總詩仙舟李膺棹小馬王戎鑣宋之問洛詩仙遊實壯哉茅山父老歌何時乎來遊洛

北風花樹

帝王世紀武王營洛邑而定鼎焉今洛陽縣西南洛水之北有鼎中觀是也庾信詩水紋

恒獨斷風花直亂迴虞世南詩驚鳥排林度風花隔水來王融詩花樹雜為錦月池皎如練丘遲與陳伯之書

雜花生樹羣鶯亂飛

江南彩畫舟

爾雅江南曰揚州史記貨殖傳江南旱濕多竹木豫章出黃金

古樂府江南可採蓮蓮葉何田田論衡船車載人孰與其徒多也素車朴船孰與加漆采畫也然則鴻筆之人

國之船車采畫也蕭
瑟詩凌晨方畫舟

芳生蘭蕙草

楚辭余既滋蘭之九畹兮又樹蕙之百畝

又芝蘭變而不芳
子荃蕙化而為茅
古詩蘭澤多芳草

春入鳳皇樓

薛道衡詩入春纔七日離

家已二年鮑照詩鳳樓十二重四戶八綺窓
江淹詩蕩子久從征鳳樓簫管閒王僧孺詩羸女鳳皇樓漢姬陌

梁興盡離宮暮

殷仲文詩獨有清秋日能使高興盡晉書王徽之傳徽之居山陰夜雪初霽忽

憶戴逵達時在剡便乘小舟詣之經宿方至其門不前
而返人問其故曰乘興而來興盡而返何必見安道耶

漢書枚乘傳脩治上林雜以離宮班固西都賦離宮烟
別館三十六所晉書天文志離宮六星天子之別宮

光起夕流

江淹詩烟光拂夜色華舟盪秋風庾闡間居賦晨渠吐溜歸朝夕流謝靈運嶺表賦看朝

雲之抱岫聽
夕流之注澗

李白

宮中行樂

水綠南薰殿

曹植詩遊魚潛綠水謝朓入朝曲逶迤帶綠水帝舜南風曲南風之薰兮可以解我

民之愠兮六典興慶宮之北曰濯龍門其內左曰芳苑門右曰麗苑門南走龍池曰瀛洲門內曰南薰殿

紅北闕樓

花司馬相如上林賦蒨紅華垂朱榮駉賓王詩花枝簇夜紅史記漢高祖紀蕭丞相營作未

央宮立東闕北闕張衡西京賦北闕甲第當道直啓陸機樂府駕言出北闕

驚歌聞太液

盧照

鄰詩蝶戲綠苔前驚歌白雲上岑羲詩花笑驚歌迎帝輦漢書郊祀志建章宮北治大池漸臺高二十餘丈名

曰泰液班固西都賦前唐中而後太液覽滄海之湯湯張衡西京賦顧臨太液滄池萍沆

鳳吹繞瀛

洲梁武帝詩屬吹方參差梁昭明太子七契鳳吹鼉鼓

尺偽切史記秦始皇紀徐市言海中有三神山名曰蓬

萊方丈瀛洲仙人居之漢書揚雄傳武帝營建章鳳閣

神明馭娑漸臺泰液象海水周流方丈瀛洲蓬萊窮極

妙麗班固西都賦濫瀛洲與方壺蓬萊起乎中央孔紹

德詩何須問方素女鳴珠珮鼓五十絃瑟揚雄賦聽素

女之清聲予觀虞妃之妙曲謝惠連詩鳴珮專後輿庾

信春賦鳴珮凌波之水梁簡文帝樂府下林著珠珮捉

鏡安花鑷沈約履詩送天人弄綵毬魏畧邯鄲淳見曹

轉珠珮響先表繡桂香植才辨歸對其所

知歎植之才謂之天人水經注崑崙山有墉城西王母

之所治真宮仙虛之所宗品物羣生希奇特甚天人濟

署不可具記孫萬壽詩英辨接天人唐書百官志中尚

署令一人承二人歲寒食獻毬荆楚歲時記寒食打毬

鞦韆拖鉤之戲武平一詩
今朝風日好詩以永今朝梁

令節重遨遊分鑣戲綵毬
握蘭惟是日採艾亦今朝庾信詩今朝好風日園苑足

芳菲靈思道詩山泉好風日張說詩何許承恩宴山亭
風日
好
宜入未央遊詩夜如何其夜未央疏未央者前限

高祖七年蕭何造未央宮括地志未央宮在雍州長安
縣西北十里班固西都賦自未央而連桂宮北彌明光

而亘長樂蘇頌題
詩芳園翠輦遊

二

寒雪梅中盡

南史梁南平王偉傳每祁寒積雪則遣人
載樵米隨之絕者賦給之謝靈運苦寒行

歲歲層冰合紛紛霰雪落唐太宗詩寒辭去冬雪暖帶
入春風梁昭明太子五日啓凍雨洗梅樹之中庾肩吾

詩梅花應可折倩為雪中看張正見詩雪盡青山路
水銷綠水池唐太宗詩送寒餘雪盡迎歲早梅新春

風柳上歸

潘岳詩春風綠隙來謝朓詩四面動春風樂府讀曲歌楊柳得春風庾信詩新禽解雜語

春柳卧生根王褒詩細柳簇新春庾信春賦宜春苑
中春已歸披香殿裏作春衣荀仲舉詩况復歸風便宮

鶯嬌欲醉

王褒詩初春麗景鶯欲嬌宋之問詩飛花隨蝶舞艷曲伴鶯嬌又送獨孤少府序管召魚

樂杯薰鶯醉

簷燕語還飛

梁簡文帝詩摘梅多繞樹覓燕好窺簷江總詩春風送燕入簷窺駱

賓王詩簷前羣燕並頭棲沈佺期詩燕來紅壁語徐彥
伯詩暗梁間語燕夜燭見飛蛾古詩思為雙飛燕銜泥

巢君屋阮籍詩不見南飛燕羽翼正差池江淹詩袖中有短書願寄雙飛燕

遲日明歌席

春詩

日遲遲宋之問詩綵雲歌處斷遲日舞前留王融詩長
為南山固永與朝日明駱賓王詩晚雲秋日明亭臯風

露清徐陵詩舞席秋來卷歌筵無數塵
新花艷舞衣簡

文帝採桑樂府細萍重疊長新花歷亂開
梁元帝詩牆高舉不及花新摘未舒陳後主詩陌頭新花歷亂生鮑

照詩時艷憐花藥梁元帝詩山似蓮花艷流如明月光
隋煬帝詩清音出歌扇浮香飄舞衣盧照鄰詩風花落

舞晚來移彩仗
程大昌雍錄高宗龍翔三年四月移仗
蓬萊宮之含元殿宋之問詩寒輕彩仗

外春簇幔城中沈佺期詩東山朝日翠屏開北闕晴空
彩仗來唐書儀衛志帶刀捉杖每日四十二人立內廊

閣外號
行樂有光輝
庾信賦摘芳林沿行樂軒除詩造
日內仗

後可以顯其光輝禮記玉藻輝如䟽登所乘之車有光
輝色而往適君朝漢郊祀歌配上帝于揚光輝管輅別

傳朝旦為輝
日中為光

三

柳色黃金嫩

何遜詩輕烟溼柳色李巨仁詩長隄柳色翠唐太宗詠春池柳詩疎黃一鳥哢陳後

主詩遙看柳色嫩迴望鳥飛高

梨花白雪香

蕭子顯詩洛陽梨花落如雪世說白雪紛紛何所似

王勃詩花香染別衣洛陽花木記雪香千葉

玉樓巢翡翠

十洲記崑崙山一角有天墉城城上

安金臺五所玉樓十二所闔尹內傳老子與尹喜共登

崑崙上金臺玉樓晝夜光明神女賦若翡翠之奮翼子

虛賦揜翡翠射鵝鷄後漢書西南夷傳哀牢出孔雀翡翠

翠埤雅翠鳥或謂之翡翠名前為翡翠名後為翠舊云雄

赤曰翡翠雌青曰翠吳都

金殿鎖鴛鴦

江淹詩列坐金殿則江總詩羽籥響

賦翡翠列巢以重行

鐘石流泉灌金殿詩鴛鴦于飛埤雅雄鳴曰鴛雌鳴曰鴛鴦雌雄相類飛止相匹飛燕外傳帝居鴛鴦殿便

房省宮簿徐陵詩
宮中本造鴛鴦殿
選伎隨雕輦
鮑照詩選色徧齊代徵聲匝邛越世說魏武有

一妓聲最清高於是選百人一時俱教果有一人聲及之東京賦下雕輦於東廂晉書佛圖澄傳衣以綾錦乘

以雕輦張正見徵歌出洞房
謝偃聽歌賦於是徵趙女命齊倡動瓊佩出蘭房楚

辭嬌容脩態絙洞房些長門賦懸明月以自照子徂清夜於洞房陸機詩洞房結阿閣梁元帝詞花交子洞房

宮中誰第一

戰國策生於深宮之中諸葛亮出師表宮中府中俱為一體漢書蕭何傳列侯畢已

受封奏位次皆曰曹參宜第一鄂千秋
進曰蕭何當第一於是乃令何第一
飛燕在昭陽
漢書

外戚傳孝成趙皇后本長安宮人屬陽阿主家學歌舞號曰飛燕召入宮後立為皇后又皇后弟絕幸為昭儀

居昭陽舍三輔黃圖武帝後宮八區有昭陽殿西都賦昭陽特盛隆於孝成

侍從遊宿溫泉宮作

漢書嚴助傳制詔會稽太守君厭承明之廬勞侍從

之事班固西都賦庶松喬之羣類時遊從乎斯庭唐書地理志京兆昭應縣有宮在驪山下貞觀十八年置咸亨三年始名溫泉宮雍錄溫泉湯在臨潼縣南一百五十步在驪山西北有三所其一處即皇堂石井後周宇文護所造隋文帝又脩屋宇并植松栢千餘株貞觀十八年詔闢立德營建宮殿御湯名湯泉宮太宗臨幸製碑咸亨三年名溫泉宮

羽林十二將

甘氏星經羽林府四十五里壘壁陳十二星在營室南主羽林衛天子之軍史記天

官書虛危其南有衆星曰羽林天軍晉書天文志壘壁陳十二星在羽林北羽林之垣壘也漢書百官公卿表即中令掌宮殿掖門戶期門羽林皆屬焉注羽林亦宿衛之官言其如羽之疾如林之多也又百官公卿表羽

林武帝太初元年初置名曰建章營騎後更名羽林騎
唐書百官志左右羽林軍大將軍各一人將軍各三人
掌統北衙禁兵督攝左右廂飛騎儀仗大朝會則周衛
階陞巡幸則夾馳道為內仗北史魏紀太和十六年詔
陽平王頤左僕射陸叡督十二將北討蠕蠕又周太祖
紀魏大統三年帝率李弼獨孤孤信等十二將伐東魏至
潼關誓師而行遂
拔盤豆攻弘農

羅列應星文

漢書天文志西宮天廁
西有句曲九星三處羅

列古雞鳴曲鴛鴦七十二羅列自成行吳均邊城將
霜詩刀含四尺影劍抱七星文庾信詩金匱辨星文

仗懸秋月

徐陵為貞陽侯與王太尉書霜戈雪戟無非
武庫之兵龍甲犀渠皆是雲臺之仗顧愷之

詩秋月揚明輝冬嶺秀孤松晉
書南燕載記揮戈與秋月競色

霓旌卷夜雲

司馬相如
上林賦拖

霓旌靡雲旗注折羽毛染以五采綴以縷為旌有似虹
蜺之氣也宋之問始安秋日詩卷雲山颺颺碎石水磷

磷陶弘景寒夜怨
夜雲生夜鴻驚

嚴更千戶肅

班固西都賦周以鉤陳之位衛以嚴更之署張

衡西京賦重以虎威章溝嚴更之署注嚴更督行夜鼓也梁昭明太子同泰僧正講詩掖影連高塏法鼓亂嚴

更漢書東方朔傳陛下以城中為小圖清樂九天聞唐

起建章左鳳闕右神明號稱千門萬戶書音樂志後魏孝文宣武用師淮漢收其所獲南音謂

之清商樂隋平陳因置清商署總謂之清樂唐書禮樂志清商伎者隋清樂也歌者二人吹葉一人舞者四人

并習已渝舞孫子善攻者動于九天之上離騷指九天以為正予夫惟靈脩之故也太玄經九天一為中天二

為羨天三為從天四為更天五為睟天六為廓天七為減天八為沈天九為成天漢書郊祀志九天主祀九天

注九天者謂中央鈞天東方蒼天東北旻天北方玄天西北幽天西方皓天西南朱天南方炎天東南陽天也詩鶴鳴于九臯聲聞于天日出瞻佳氣

擊壤歌日出而作日入而息鑿井而飲耕田而食詩羔
裘如膏日出有曜水經注日觀者雞一鳴時見日始欲
出長三丈許故以名焉後漢書光武帝紀望氣者至南
陽曰氣佳哉鬱鬱蔥蔥表裏從駕遊山詩平原與上路
佳氣遠蔥蔥杜審言詠終南山
蔥蔥繞聖君楊炯詩天
門開奕奕

佳氣鬱蔥蔥王粲詩籌策運帷幄一由我聖君晉釣竿
曲玉衡正三辰造化賦羣形退願輔聖君與神合其靈

口號贈徵君鴻

自注此公時被徵唐書書隱逸傳
盧鴻字顯然博學善書籀廬嵩

山開元初僞禮徵再不至五年詔曰朕虛心
引領于今數年有司其齎束帛之具重宣茲
旨想有以翻然易節副朕意焉鴻至東都謁
見不拜曰禮者忠信所薄臣敢以忠信見帝
拜諫議大夫固辭復下制許
還山按舊唐書作盧鴻一

陶令辭彭澤

晉書陶潛傳潛字元亮少懷高尚躬耕自資為彭澤令郡遣督郵至縣吏曰應束帶

見之潛歎曰我不能為五斗米折腰拳拳事鄉里小人即解印去縣一統志彭澤縣屬九江府梁鴻入

會稽

後漢書逸民傳梁鴻字伯鸞扶風人東出關作五噫之歌肅宗聞而非之求鴻不得乃易姓運期名

耀字侯光與妻子去適吳依大家臯伯通居無下為人賃舂伯通異之乃舍之于家鴻潛閉戶著書十餘篇又

郡國志會稽郡秦置本

我尋高士傳

馬明生詩我將尋真人澄神挹容景

治吳立郡吳乃移山陰

晉書嵇康傳康能屬文撰上古以來高士為之傳贊又

皇甫謐傳謐所著甚多入

撰高士逸士列女等傳並重

于世隋書經籍志虞繁佐撰高士傳二卷又周弘讓高士傳七卷

君與古人齊

詩我思古人實獲我

心魏志毛玠傳太祖以素屏風素馮几賜玠曰君有古人之風故賜君古人之服呂覽周公旦曰與我齊者吾

不與處無益我者也淮
南子形不齊而實齊也

雲卧留丹壑

鮑照昇天行雲卧
恣天行沈約詩秩

滿撫白雲淹留事芝髓孫綽太平山銘上干翠霞下籠
丹壑鮑照詩妍容逐丹壑宋之間詩白羽搖丹壑一統

志盧鴻巖在登封縣東二

天書降紫泥

庾信讚帝刻桐
葉天書掌文蘇

十里唐處士盧鴻讀書處

題詩自有天文降無勞訪海槎漢舊儀天子六璽皆以
武都紫泥封之隴右記武都紫水有泥其色紫而粘貢

之用封

不知楊伯起

庾信詩不知高幾里低頭看世間
後漢書楊震傳震字伯起弘農華

璽書

陰人少好學明經博覽無不窮究諸儒為之語曰關西
孔子楊伯起嘗客居于湖不答州郡禮命數十年衆人

謂之晚暮而震志愈篤年五十乃始仕州郡大將軍鄧
騭聞其賢而辟之舉茂才四遷荊州刺史吳均詩昔聞

楊伯起拖

早晚向關西

詩之夜如何其箋夜如何其問早
晚之辭韓非子舉事慎陰陽之

和種樹接四時之造無早晚之失寒溫之灾則入多許
天正詩龍湖膏澤下早晚徧枯窮徐陵文濟北顏淵闕
西孔子李行言秋晚度廣關
詩贈言楊伯起非復是關西

廣陵贈別

漢書地理志廣陵國景帝四年更名
江都武帝元狩三年更名廣陵記纂

淵海隋改為揚州唐武德九年屬淮
南道天寶曰廣陵郡乾元復曰揚州

玉瓶沽美酒

樂府古辭就我求清酒絲絕提玉壺揚雄
酒箴觀瓶之居在井之湄鹽鐵論古者不

市食及其後則有屠沽廣韻沽買也古詩不如飲美酒
被服紉與素曹植樂府歸來宴平樂美酒斗十千數

里送君還

白帖十里一長亭五里一短亭江淹古別離
黃雲蔽千里遊子何時還又送君如昨日簷

前露已漙庾信詩浦喧
征棹蒺藜亭空送客還

繫馬垂楊下

庾信賦倚弓於玉
女窓扉繫馬於風

皇樓柱李益詩風吹山下草繫馬河邊樹又白惜餘春
賦醉愁心於垂楊隨柔條以斜結梁元帝詩巫山巫峽

長垂柳復垂楊李
銜杯大道間
劉伶酒德頌捧甕承槽
疑詩侍獵長楊下
銜杯漱醪崔惠童詩一

月人生笑幾回相逢相值且銜杯江總閨怨寂寂
青樓大道邊諸光義詩朝看大道上落花亂馬足
天邊

看綠水
梁元帝臨秋賦水含天而難別劉孝綽渡江詩
天邊生岸影孟浩然詩孤帆天際看謝朓詩遠

迤帶綠水傳休奕詩下鑒綠水波南史庾杲之傳蕭
緬與王儉書曰庾景行泛綠水依芙蓉何其麗也
海

上見青山
史記孝武帝紀李少君見上曰臣嘗遊海上
見安期生食臣棗大如瓜又白詩天海空青

蒼謝朓詩不對芳春酒還望青山郭入
蜀記姑熟溪東南數峯如黛蓋青山也
興罷各分袂
晉書

王徽之傳乘興而來興盡而返拾遺記蕭鳳使玉門
闕勸酒謂兄曰庶分袂不悲何遜詩當憐此分袂
何

須別醉顏

鮑照詩傳觴不語欲誰須王昌齡留別詩醉別何須更惆悵蘇頲詩莫愴分飛岐路別楚

辭美人既醉朱顏酖

渡荆門送別

郭璞江賦荆門闕竦而盤礴水經注江水東歷荆門虎牙之間荆門

山在南上合下開其狀似門虎牙山在北此二山楚之西塞也寰宇記荆門本漢舊地荆

襄之要津一統志荆門州在湖廣荊州府北一百八十里

渡遠荆門外

梁簡文帝詩關山遠可度遠度復難思

來從楚國遊

國語赫赫楚國

而君臨之甯戚飯牛歌吾當與爾遠楚國詩彼君子山兮逝肯來遊溫子昇寒陵山寺碑鳴玉鑾以來遊

隨平野盡

宗羈詩烟生山欲盡吳均詩葢草覆平野梁簡文帝文遼遼平野

江入大荒

流

夏侯湛詩江水浩浩長流于萬里謝朓詩大江流日夜山海經大荒之中有山名曰大荒之山日月所

入是謂大荒之野左思吳都賦出乎大荒之中行乎中極之外注大荒謂海外也張協七命絕景乎大荒之遐

阻吞響乎幽山之窮奧

月下飛天鏡

古樂府破鏡飛上天劉孝先詩飛鏡點青天橫照滿樓前

梁簡文帝望月詩形同七子鏡何遜望初月詩破鏡出雲明

雲生結海樓

梁簡文帝詩祈年雲

霧生裴讓之詩絕野寒雲生王褒詩雲生龍底黑張協詩翳翳結繁雲史記天官書海旁蜃氣象樓臺梁元帝詩海氣旦如樓蔡凝賦得處

仍憐故鄉水

楚辭念我長生而久仙不

如反余之故鄉漢高祖大風歌威加海內于歸故鄉石崇詩悠悠思故鄉謝朓詩歎息東流水如何故鄉陌

萬里送行舟

郭璞江賦呼吸萬里浪沈約從軍行風卷萬

里波魏文帝善哉行湯湯川流中有行舟梁簡文帝
詩花葉灑行舟仍持送遠客謝惠連詩通川絕行舟

送董將軍西征

本集作送白利從金吾董將軍西征

西羌延國討

漢書宣帝紀神爵元年遣後將軍趙充國強弩將軍許延壽擊西羌後漢西羌傳西

羌之本出自三苗羌姓之別也左傳令尹之不能爾所知也國將討焉

白起佐將軍

史記白起

者鄙人也善用兵事秦昭王為左庶長遷為武安君戰國策白起率數萬之師以與楚戰舉鄢郢燒夷陵南并蜀漢又越韓魏攻強趙使秦業帝趙楚懾服不敢攻秦者白起之勢也後漢書耿純傳贊純植義發奉兵佐威

劍抉浮雲氣

莊子天子之劍上抉浮雲下絕地紀此劍一用匡諸侯天下服矣又絕雲氣負青天

弓彎明月輝

賈誼過秦論士不敢彎弓而報怨伏知道詩試將弓學月聊持劍比霜唐太宗詠弓

詩上弦明月半楊炯詩烏號明馬行邊草綠楚辭邊馬

月弓梁簡文帝詩月輝橫射枕鮑照蕪城賦白楊早落塞草前哀駱賓王從征詩邊沙

遠雜風塵氣塞草長垂霜雪天盧照鄰詩漢地草應綠

邊庭沙正飛旌卷曙霜飛梁元帝文虹旌式卷唐太宗詩抗

手凜相顧孔叢子子高遊趙還有鄒文李節者送別流

壯士凜以爭先庾信別張司馬寒風生鐵衣呂氏春秋

詩前席慘無言離悲兩相顧風有八等

炎風滔風熏風巨風淒風颶風厲風寒

風木蘭歌朔氣傳金柝寒光照鐵衣

送友人

青山橫北郭茅山父老歌白鶴翔青山何時復來遊何

遊詩青山不可上一上一上惆悵謝朓詩不

對芳春酒還望青山郭
吳均詩驅車還北郭

白水遶東城

左傳所不與舅氏同心者有如白水

古逸詩浩浩白水張衡賦
白水以為漿梁宣帝賦清
流四遠吐溜悠長古詩東城高且長逶迤自相屬蕭子

顯詩出入

此地一為別

劉繪詩江山信多美此地最為
東城里

遂為家王粲詩風
流雲散一別如雨

孤蓬萬里征

古詩孤蓬轉
燕城賦孤蓬自振驚砂

坐飛江淹詩渺然萬里遊劉刪詩寄謝千金子安
知萬里蓬古八變歌翩翩飛蓬征愴愴遊子懷

浮雲

遊子意

李陵與蘇武詩仰視浮雲馳奄忽互相踰又携
手上河梁遊子暮何之古詩浮雲蔽白日遊子

不顧返江淹詩浮雲
抱山川遊子御故鄉

落日故人情

謝靈運撰征賦望新
晴於落日梁簡文帝

詩落日芳春暮陳後主詩思君如落日無有暫還時
古詩前日風雪中故人從此去任昉詩猶我故人情揮

手自茲去

劉琨詩揮手長相謝劉鑠詩揮手從此辭史記晉世家秦送重耳至河谷犯曰臣從君周

旋天下過亦多矣請從此去

蕭蕭班馬鳴

詩馬鳴蕭蕭范雲詩蕭蕭良馬鳴左傳有班馬之聲

牛弘歌辭班馬蕭蕭蘇頌詩班馬長嘶落景催

尋雍尊師隱居

羣峭碧摩天

劉峻山棲志羣峯疊起接漢連霞注南子上峭山赴深谿張正見賦峯高一萬峭峙

三百古樂府黃鵠摩天極高飛

逍遙不計年

詩所謂伊人于焉逍遙陶弘景賦更天地之彌固終

逍遙以長年宋書王華傳治阿之宰不必計年王勃詩松石偏宜古藤蘿不計年

撥雲尋古道

莊子上挾浮雲躬璞詩神仙排雲出王融詩蘿徑若披雲謝朓詩尋雲陟累榭廣韻撥理也除也

倚樹

聽流泉

莊子倚樹而吟據槁梧而瞑徐陵長干寺碑遊巖倚樹宴坐經行詩觀其流泉江總詩流泉灌

金花暖青牛卧

隋煬帝詩落花香暖衆紋紅列仙傳老

隴西人服煉水銀年百歲如三十許騎青牛號青牛道士嵩山記嵩高山有大松樹或百歲或千歲其精化為

青松高白鶴眠

沈約嵩山賦鬱彼高松棲根得地神境記滎陽郡南有孤松千丈常有雙鶴晨

必接翮夕必偶影列仙傳王子喬乘白鶴住緱氏山頭

語來江色暮

古樂府浮雲多暮色涂陵

詩岸烟多暮色岸水帶斜暉

獨自下寒烟

江總閨怨篇池上鴛鴦不獨自謝朓詩切切陰風暮

桑柘起寒烟江淹詩宿草凌寒烟

流夜郎至江夏陪長史叔及薛明府宴興德寺

南閣

唐書李白傳永王璘辟為府僚佐璘起兵逃還彭澤璘敗當誅郭子儀請解官

以贖有詔長流夜郎會赦還潯陽入地理志鄂州江夏郡縣江夏一統志武昌府縣江夏

紺殿橫江上

說文紺深青色江總幡贊光分紺殿采布香域楚辭橫大江兮揚靈謝朓詩心事俱

已矣江上徒離憂吳均詩風起秋江上

青山落鏡中

謝朓詩還望青山郭梁簡文帝詩青山街

月規虞世南賦鏡青山之幌澈釋惠標詩人似鏡中行虞世南詩吳趨自有樂還似鏡中遊劉憲詩樓船直在

鏡中移沈佺期釣竿篇人疑天上坐魚似鏡中懸

岸迴沙不盡

江賦陽侯破碣疑天上坐魚似鏡中懸

湧而雲迴何遜詩遠岸平沙合梁簡文帝詩迴沙溜碧水王僧孺詩沙岸淨如掃禮記西不盡流沙南不盡衡

山東不盡東海北不盡恒山

日映水成空

梁簡文帝頌日映金雲風搖銀草又脩竹賦日映花

靡謝靈運詩空水共澄鮮劉楨詩寒水清若空沈約詩
兩溪共一瀉水潔望如空宇文昶詩烟生山欲盡潭淨
水恒
天樂流香閣
莊子天機不張而五官皆備此之謂
天樂法苑珠林北印度國有月光玉

塔常放神光仙花天樂古樂府太和曲國鳥尚含天樂
轉梁武帝詩繚繞聞天樂周流揚梵聲禮記流而不息
合同而化而樂興焉唐太宗詩聲流三處管響亂
一重弦庾信詩尚聞香閣梵謝偃詩逶迤度香閣
蓮舟

颺晚風

梁元帝詩蓮舟夾鶴擎畫舸覆油綈蕭子範詩
蓮舟拂芰歸沈君攸曲蓮舟泛浪華又詩蓮舟

凌沙轉不碍孔德紹詩蓮舟泛錦磧極目眺江干范泰
詩軒翼颺輕風崔湜詩曲渚颺輕風鮑照詩鱗鱗夕雲

起獵獵
晚風道

恭陪竹林宴

韻會陪廁也隨也增韻貳也伴也
魏氏春秋嵇康寓居河內之山陽

縣與之遊者阮籍山濤向秀籍兄子咸王戎劉伶遊於
竹林號為七賢沈佺期詩扈從行太液陪宴坐明光

留醉與陶公

崔日用詩思深答效淺留醉與宸暉晉書陶潛傳潛為彭澤令在縣公田悉令種秫

穀曰令吾常醉於酒足矣

謝公亭

自注亭蓋謝朓范雲之所遊齊書謝朓傳隆昌初除秘書丞未拜仍轉中書郎

出為宣城太守一統志亭在寧國府城北

謝公離別處

一統志亭即謝朓送零陵內史范雲處古詩上言長相思下言久離別李陵詩良時

不再至離別在須臾

風景每生愁

世說周顗與王導諸人登新亭嘆曰風景不殊正自有山河之

異曹植釋愁文未知子愁每由生

客散青天月

盧照鄰詩客散同秋葉周髀天青黑為表丹黃

為裏張衡賦仰青天其如帶謝莊月賦白露曖空素月流天

山空碧水流

盧思道詩空山照秋

月蕭瑱詩澗
水初流碧

池花春映日

梁元帝詩映日通風隱珠幔
飄花拂葉度金池陳後主詩

映日花
光動

窓竹夜鳴秋

謝朓思歸賦園桃春發窓竹夏涼
又詩脩脩映窓竹又七夕賦素鐘

登御夷
律鳴秋

今古一相接

關尹子其來無今其往無古謝靈
運詩誰謂古今殊異代可同調杜

預左傳序考
其時則相接

長歌懷舊遊

五經通義發聲而歌長言陸
機詩長歌赴促節鮑照詩懷

古復懷今長懷無終極陸機詩念昔良遊
于焉永歎何承天詩願言桑梓思舊遊

御選唐詩卷十三



總校官庶吉士臣張能照

校對官檢討臣郭寅

膳錄監生臣許祖懷